

DE

CICVTA
ATHENIENSIVM
POENA PVBLICA

INDVLTV
AMPLISSIMI PHILOSOPHORVM ORDINIS

IN

ACADEMIA PATRIA
PRAESIDE

M. SIGISMVND O FRIDERICO
DRESIGIO

A. D. XXXI. IVLII A. O. R. clō lōcc XXXIIII.

DISSERET

ADRIANVS DEODATVS STEGERS

LIPS.

LIPSIAE

LITERIS IO. CHRISTIANI LANGENHEMII.

Klein

V I R O

SVMME. REVERENDO. AMPLISSIMO. QVE

D O M I N O

IO. SIGISMVND. HEINSIO

PASTORI. ECCLESIAE. FORSTENSIS. PRIMARIO
TRACTVVM. FORSTANI. ET. PFOERTENSIS. PRAESVLI
SCHOLARVM. EPHORO. ET. SACRI. QVOD. FORSTAE
EST. SYNEDRII. PRAESIDI

PATRONO. AC. FAVTORI. SVO. SVSPICIENDO

ET

V I R O

PLVRIMVM. REVERENDO. DOCTISSIMO. QVE

D O M I N O

DANIELL. PITTIO

VERBI. DIVINI. APVD. NVSDORFFIENSES. ET
DVBRAVIENSES. MINISTRO

AFFINI. SVO. AESTVMATISSIMO

V I R

HANC

DE CIVITA. ATHENIENSIVM POENA

PVBICA

DISSERTATIONEM

OBSERVANTIAE. FIDEL. ATQVE. AMICITIAE

OBSIDEM

OPTIMA. QVAEQVE. EX. ANIMO

PRECATVS

SACRAM. ESSE. VOLVIT

A V C T O R



Q. D. B. V.

§. I.

PRaemia uirtutis uitiorumque poenas in rebus publicis plurimum semper ualuisse multumque profuisse, cum multi, quos tulit antiquitas, scriptores uerbis sapientissimis praeceperunt, tum in primis SOLON, sapiens unus ex septem, et legum scriptor solus ex septem, cognouisse, et omnibus commendasse ciuitatibus etiam atque etiam uidetur, quando, ut refert CICERO *Epist. XV. ad Brutum, rempublicam duabus rebus contineri dixit, praemio et poena*. Atque hanc sui legislatoris sapientissimi sententiam suo exemplo sane excellentissimo confirmauit res, quoad floruit stetitque Atheniensium publica. quae quemadmodum uariis praemiis uirtuti eiusque studiosis publice propositis, uirtutem ipsam studiumque illius feliciter ingenerauit quasi animis suorum ciuium, sic multa quoque habuit poenarum genera in eos sancita, qui, eiurata uirtute, sceleribus uariis emancipati uitiis se contaminarant. Perlustranti uero scriptores, qui Antiquitates Graecas et nominatim Atticas, scriptis suis doctissimis post renatas in Europa litteras illustrarunt, mirum saepenumero mihi uisum est,

est, qui factum sit, ut, quum reliquas poenarum species Athenis olim usitatas satis accurate commemorauerint, cicutae tamen potionem inter publica supplicia suo iure referendam plerumque sicco, quod aiunt, pede transferint, neu mentionem illius fecerint ullam. Equidem id nolim ignorantiae Virorum in hoc genere uersatissimorum tribui, quippe quos non facile quicquam in uniuersa antiquitate fugit. At quum cicutae haustum in publicis poenis Atheniensium uel omiserint penitus, uel obiter tantum indicauerint, malim id studio breuitatis interdum paene nimio adscribi, quo ducti satis habuerunt de uariis necandi homines modis iisque publicis per uenena, generatim annotasse hoc genus supplicii Φάσμακον dictum fuisse. Neque profecto dubium est ullum, quin Φάσμακον omnia illa supplicia apud ueteres saepissime significauerit, quae uenenis sunt peracta, docente id IULIO POLLUCE *Onomast. Lib. V. segm. 132. p. 547.* Nos, omissis reliquis, de cicuta, publica Atheniensium poena, quam ex uetustatis ruderibus, Deo bene iuuante, eruere animus est, id paucis docere nostri putamus officii esse. Quod quidem cum ex aliis bene multis ueterum testimoniis ipsa luce clarius est, tum ex eo praeter cetera elucet, quod PLATO cum primis et XENOPHON, suo quisque loco inferius adducendus, saepissime adhibent de cicutae supplicio nomen Φάσμακον, ubi alii auctores posuerunt κώνειον. Accedunt HESYCHIUS et POLLUX, Grammaticorum ueterum facile principes. quorum ille in Lexico, omnis eruditionis thesauro amplissimo κώνειον interpretatur δηλητήριον, ἥτοι θανάσιμον, hic uero loco iam adducto, coniungit Φάσμακον, ὀλέθριον, δηλητήριον, θανάσιμον, et paucis interiectis huc quoque refert κώνειον. Hinc Φάσμακον et κώνειον unum idemque sonant apud LIBANIVM *Declam. VIII. p. 340. D.* Φάσμακον αἰτῶ, κώνειον ζητῶ, τελευτῆς ἐρῶ.

§. II.

Cicuta quae Latinis dici consuevit, a Graecis appellatur κώνειον. cuius nominis uaria et scriptura reperitur et deri-

deriuatio. Tritissima quidem et reliquis fortasse quoque praefenda est eius scriptura, quando ea, qua iam nunc exhibuimus, elementorum ratione legitur. Interim tamen non *κόνειον* solum, sed et *κόνιον* scriptum fuisse constat. Vtrumque certe in codicibus MSC. IULII POLLVCIS, quemadmodum Viri doctissimi annotarunt, inuenitur et illud quidem *Lib. V. segm. 132. p. 547.* hoc uero *Lib. VII. segm. 71. p. 897.* Quid? quod etiam *κόνιον* scriptum fuit, teste SVIDA *Tom. II. p. 345.* ubi uid. LVD. KVSTERVS. Nec minus deriuatio nominis *κωνείς* diuersa traditur, eaque triplex. nam uel a *καίνειν*, quod est *interficere*, uel a *κοίμημα*, uel denique a *κωνᾶν*, h. e. a circumuertendo, quod uertiginem et imagines rerum earum, quae adspiciuntur, quasi circumagat ac tenebras inducat iis, qui eam biberunt. Ita de origine huius nominis ETYMOLOGICVM M. P. 551. *uers. 13.* *Κόνειον δὲ αὐτὸ καλεῖται διὰ τὸν γινόμενον εἰλιγμὸν καὶ σκότον τοῖς πίνουσι. τὸ γὰρ ζεῖν καὶ κωνῆσαι ἔλεγον οἱ παλαιοί. ἢ παρὰ τὸ καίνειν καὶ κόπτειν, ἢ παρὰ τὸ κοίμημα.* Ego uero causam uideo nullam, quare illa deriuatio non sit praefenda reliquis, quae hoc nomen deducit a *κωνᾶν*. ea enim et rei conuenit ipsi apprime, et a GALENO iam est comprobata, qui *libro, quod mores animi temperamenta corporis sequuntur cap. 3. p. 447. D. edit. Parisiens.* *Καὶ μὲν τοι καὶ διὰ τὴν μωρίαν αὐτὴν ἐργάζεται κόνειον ποθὲν, ὡ καὶ τῆνομα ἐνθεν παρῶνυμον ἀπὸ τῆ πάθης, ὃ πάσχον ὁρῶ ὑπ' αὐτῆ τὸ σῶμα.* Praeterea id quoque obseruandum duco, Graecos hoc nomen non in neutro genere tantum, uerum etiam in feminino extulisse, quod discimus ex HESYCHIO, qui *κωνείαν* exponit *κάρθηκα καὶ πόας εἶδος*, et cui paullo post etiam *κόνειον* est *βοτάνη νάρθηξ*. Quemadmodum autem Graeci Latinis uocabulorum copia praestant longissime, sic et *κόνειον* uariis fuit nominibus apud eosdem indicatum. Sic teste SCHOLIASTE *ad Nicandri Alexipharmaca p. 59. edit. Paris.* ab aliis *κρονέανον*, ab aliis *κορίανον*, ab aliis denique *ἀνήσοειδὲς* uocatum fuit: quod ultimum iterum confirmat HESYCHIVS, qui *ἀνήσοειδὲς* explicat *κόνειον*, et eodem auctore, *κόνειον* quoque appellatum fuit *ἐφήμερον*.

§. III.

§. III.

Cum rarissimae sunt illae uoces, quae unam semper eandemque retineant notionem, nec a natua sua significatione unquam recedant, tum nemo, opinor, facile mirabitur, nomen *cicuta* in Latio diuersam uariamque uim quondam obtinuisse. Duplicem autem in primis significatum huic uerbo a Latinis assignatum fuisse uel ex Lexicorum uoluminibus apparet. Nam prima ac propria eius significatio est, qua herbam uenenosam notat, quam ita describit PLINIVS *H.N. Lib. XXV. c. 13, Cicuta semen habet noxium, caulis autem ei uiridis estur a plerisque et in patinis. leuis hic et geniculatus, ut calami nigricans, altior saepe binis cubitis, in cacuminibus ramosus. folia coriandri tenuiora graui odoratu, semen aniso crassius, radix concava.* addi, si placet, etiam possunt, quod ad descriptionem cicutae herbae attinet, THEOPHRASTVS *Histor. Plant. Lib. IX. c. 17.* et DIOSCORIDES *Lib. III. c. 79.* Altera, quae huic nomini a priscis subiicitur, uis est, qua sonat instrumentum musicum. LVCRETIVS *Lib. V. uers. 1283. seq.*

*Et Zephyri caua per calamorum sibila primum
Agrestes docuere cauas inflare cicutas.*

VIRGILIUS *Eclog. V, uers. 85.*

Hac te nos fragili donabimus ante cicuta

uid. FORTVNIVS LICETVS *in antiquis schematibus gemmarum annuralium* p. 414. seqq. His duabus uocis *cicutae* apud Latinos notionibus tertiam nobis addere licebit. quae tametsi ad primam illam proxime accedit, non tamen plane cum ea conuenire uidetur. Ea uero est, quando nomen *cicuta* ipsam denotat cicutae potionem apud antiquos, maxime Athenienses, usitatam. Atque hoc quidem sensu legitur aquod SENECA *Epistol. XIII, Cicuta magnum Socratem fecit.* Nos igitur quum de *cicuta* agere publica Atheniensium poena instituimus, neminem per se non intellecturum esse existimamus, nomen *cicutae* eo a nobis significato accipi, quo notat cicutae potionem, tertio loco commemorato. Quoniam uero haec notio sine propria illa ac prima istius

istius uocis significatione stare non potest, utraque hic in sensum ueniat, oportet. Ipsa cicutae potio uariis modis ab auctoribus Latinis efferi solet. nam modo uocatur *calix uenenatus*, ut apud SENECA *Epistol. LXVIII. potio publice mixta* apud eundem *de prouidentia cap. 3.* modo dicitur *herbae pestilentis succus noxius*, sicut in APVLEIO *Metamorph. Lib. X. p. m. 192. ueneni potio*, auctore VALERIO MAXIMO *Lib. III. c. 2. extern. num. 6. et sorbitio cicutae*, ut habet PERSIVS *Satyr. III, 2.* Graeci de hoc genere usurpare soliti fuerunt *κώκερον πίνεν*, uid. ARISTOPHANES *Ranis uers. 183.* et LVCIANVS *Fugitiu. p. 596.* uocaruntque hanc poenam *τὴν τῶ κώκερος πόσιν*, quemadmodum est in DIODORO SICVLO *Lib. XVIII, p. 663.* D. AELIANO quoque dicitur *Φιλοτροχία Histor. Var. Lib. XII. c. 40.* ut ne commemorem, saepissime hac in parte usurpatum esse nomen *Φάεγμακον*.

§. III.

Cicutam eiusque potionem apud Athenienses publicum fuisse supplicium, quo capitis damnati plectebantur, manifestum est non solum ex PLINIO *H. N. Lib. XXV. c. 13.* *Cicuta quoque uenenum, publica Atheniensium poena inuisa*, uerum etiam ex TACITO, qui *Annal. Lib. XV. c. 64.* illam uocat *uenenum, quo damnati publico Atheniensium iudicio extinguiebantur.* add. LIBANIVS *Declam. IX. p. 358. C. et Declam. XXIX. p. 679.* Quando uero hoc genus supplicii et a quo apud Athenienses omnium primo institutum sit, equidem pro explorato non habeo, propterea quod me non memini id disertis uerbis in ullo auctore legere. Quod si tamen ex iis, quibus haec poena publice inflicta est, tempus ipsum, quo haec feralis cicutae potio in usu esse coeperit, quodam modo colligere liceat, me non plane a uero aberraturum spero, ubi dixerò, triginta tyrannis Athenas seruitute oppressas tenentibus hunc homines interficiendi morem inuentum esse. Nam cum primum Athenis reipublicae administratio mutata fuit, et a Lylandro Spartanò XXX. uiri ad uniuersa urbis negotia gerenda instituti, horum tyrannorum crudelitas ciues Atticos uariis suppliciorum

ciorum modis diuexauit. Siquidem eo ipso, quo hi XXX. tyranni imperare Atheniensibus coeperunt, anno, qui fuit Olympiados XCIII. primus, uid. DIODORVS SICVLVS *Lib. XIII. p. 396. B.* et XENOPHON *Histor. Graec. Lib. II. p. 46*, Theramenes iussu horum tyrannorum cicutae haustu periiit. Et quamuis illorum imperium triennio uix longius fuisse uideatur, restituta patriae a Thrasybulo libertate, anno eiusdem Olympiadis ultimo, tamen sub eorundem tyrannide praeter Theramenem eodem mortis genere interiit Polemarchus, de quo paullo post agemus pluribus. Certe tyrannis usitatum fuisse, sibi suaeque dominationi inuisos e medio cicuta tollere, constat etiam exemplo Clearchi Heraclotarum tyranni, quem teste ATHENAEO *Deipnosoph. Lib. III. c. 7. p. 85. A.* THEOPOMPVS *libro XXXVIII. historiae suae* memorat non solum per uim multos palam necasse, uerum etiam plurimos potu cicutae per insidias e medio sustulisse. Idem etiam sua tyrannide comprobare uidetur Olympias Alexandri M. mater, quae referente DIODORO SICULO *Lib. XIX. p. 676. C.* Eurydicae carceri inclusae εἰσέπεμψεν ξίφος καὶ βρόχον καὶ κώνειον, καὶ συντέταξε τέταν, ὃ βάλοιτο καταχρησάσθαι πρὸς τὸν θάνατον. quam rem quoque memoriae tradidit AELIANVS *V. H. XIII, 36. p. 406.* edit. Gronou. Denique aut omnis fallor, aut LYSIAS clarissime docet, cicutae potionem publicam a tyrannis his XXX. institutam esse. Sic enim ille *Oratione XI*, quae est *contra Eratosthenem*, ex his XXX. unum, *cap. 5. p. 150*, Πολεμάρχω δὲ παρήγγειλαν οὐ τριάκοντα τὸ ὑπ' ἐκείνων εἰδισμένον παράγγελμα, πίνειν κώνειον. Nam cum apud ueteres non inueniatur, quis ante hos XXX. tyrannos Athenis hoc supplicio in ciues fauierit, quisue Theramene prior cicuta publica interfectus sit, tum in Lysiae loco allato uerba εἰδισμένον παράγγελμα, non solum consuetudinem frequentemque usum cicutae, publicae poenae, sed et ipsam originem huius supplicii a tyrannis istis repetendam indicare nobisque aperire uidentur.

§. V.

Quum igitur certum sit, cicutae potionem, publicae poe-

poenae speciem apud Athenienses quondam fuisse, tradita illius, quoad eius fieri potuit, origine, nunc iure nobis uide-
mur inuestigare, in quos homines et in quae crimina hoc supplicio animaduersum fuerit. Id uero meliori ratione fieri uix posse intelligimus, quam si exempla eorum, qui hanc poenam sustinuerunt, considerauerimus, ex hisdem rem ipsam illustraturi. Itaque primus, quod scimus, cicuta, publica poena, Athenis occisus est Theramenes, qui magistro Socrate in philosophiae praeceptis non mediocriter imbutus, auctore DIODORO SICVL. *Lib. XIII. p. 397. C.* et teste THVCYDIDE *Lib. VIII. c. 68.* nec infacundus nec imprudens uir fuit. Populari ipsum imperio fauisse ex eo colligit DIODORVS *Lib. XIII. p. 350. A.* quod eodem auctore ac suafore Athenienses abrogato CCCC. imperio statum reipublicae ad ciuium arbitrium reuocauerint, et Alcibiadem reuocandi consilium ceperint. unde factum sit, ut propter moderationem et aequitatem populo perspectam cunctis suffragiis inter XXX. principes legeretur ad auaritiam reliquorum in hoc ordine nonnihil coercendam. uid: DIOD. SICVL. *Lib. XIII. p. 396. D.* Contra ea THVCYDIDES *Lib. VIII. c. 89.* eum scribit inter eos, qui popularem statum euerterunt, primum fuisse. Quae tamen omnia, licet sibi contraria uideantur esse, facili negotio conciliari possunt auctoritate LYSIAE, qui de hoc Theramene *Orat. XI. p. 170. seq.* refert, eum tamdiu oligarchiae fauisse, quamdiu in honore habitus fuisset. ubi uero uidisset alios sibi praeferrī, ad populi partes transiisse, et paucorum dominatui restitisse. Vnde PLVTARCHVS *Nicia p. 524. A.* eum numerat inter optimos tres illos ciues, qui patria erga populum beneuolentia et amore fuerunt. Et sane negari nequit, hoc populi studium, et hanc cum tyrannis ceteris coniunctionem exitio fuisse Therameni. Nam quum collegis suis, qui ditissimos quosque comprehensos capitis damna-
bant, eorumque bona publicabant, aduersaretur fortiter et se uindicem libertatis fore minitaretur, Critias, tyranno-
rum princeps, eum in senatu a XXX. uiris conuocato mul-
tis

tis criminibus oneravit. In primis uero ipsum διβαλλον
 ὡς λημαινόμενον τὴν πολιτείαν, ut auctor est XENOPHON *Histor.
 Graec. Lib. II. p. 464. C.* addatur DIODORVS *d. l. p. 397. B.* Et
 tametsi ea, quae ipsi obiiciebantur, crimina ita diluerat
 Theramenes, ut totius Senatus beneuolentiam sibi com-
 parasset, a Critia tamen eiusque factione per uim oppres-
 sus et Undecim uiris, ut interficeretur, traditus est, quem-
 admodum haec copiosius narrat XENOPHON *d. l. p. 470. A.*
 qui quum per forum duceretur in carcerem, non multitu-
 do solum indignam ipsius sortem miserata est, sed et Socra-
 tes, praeceptor, duoque familiares accurrerunt, et licito-
 res prohibere conati fuerunt, ipsius Theramenis precibus
 ab incepto auocati. uid. DIODORVS *d. l. p. 397. C.* Quo au-
 tem supplicii genere obierit, licet nec DIODORVS *d. l.* nec
 IUSTINVS *Lib. V. c. 9. n. 2.* disertis uerbis exposuerint, testan-
 tur tamen alii bene multi cicyta eundem iussu tyranno-
 rum uitam cum morte commutasse. Relatum sane legi-
 mus apud XENOPHONTEM *d. l. p. 470. C.* eum ἀποδνήσκων
 ἀναγκαζόμενον τὸ κώνειον πιεῖν, accedit AELIANVS V. H. XI. 21.
 quo teste ὑπὸ τῶν τριάκοντα ἀνθρώπων πιεῖν κώνειον καίλαναγκαζοίς.
 Ex Latinis euolui hac de re potest Romanorum disertissimus
 CICERO *Tusculan. I, 40.* Quanta constantia, quantaque ani-
 mi praesentia mortem oppetierit uiolentam Theramenes,
 eo abunde cognoscitur, quod ipsam cicutam Critiae, aduer-
 sariorum principi, propinauit, et id, quod reliquum in po-
 culo uenenato fuerat, sic in terram iocabundus eiecit, ut
 resonaret. Rem praeter alios ita narrat VALERIUS MA-
 XIMVS III, 3, *exter. 6.* *Nec Theramenis quidem Atheniensis
 in publica custodia mori coacti parua mentis constantia, in
 qua triginta tyrannorum iussu porrectam ueneni potionem
 non dubitanter hausit, quodque ex ea superfuerat, iocabundus
 illisum humo clarum edere sonum coegit, renidensque seruo
 publico, qui eam tradiderat, Critiae, inquit, propino. uide igitur,
 ut hoc poculum ad eum continuo perferas.* De sapientia
 eiusdem testis est quodam modo historia, quam litteris
 ad

ad posteritatem transmisit PLUTARCHVS in consolatione ad Apollonium Tom. II. Opp. p. 105. Β. Θηραμένης δὲ ὁ γεγόμενος Ἀθήνησι τῶν τριάκοντα τυράννων, συμπεσῆσης τῆς οἰκίας, ἐν ἣ μετα πλείονων ἐδείπνει, μόνος σωθεὶς, καὶ πρὸς πάντων εὐδαιμονιζόμενος, ἀναφωνήσας μεγάλη τῇ φωνῇ, ὦ τύχη, εἶπεν, εἰς τίνα μο κακὸν ἄρα φυλάττεται;

§. VI.

Alter, quem sub XXX. tyrannis cicutae potio uita priuauit, fuit Polemarchus, Lysiae oratoris frater, quem ut Therameni proxime iungeremus, temporis ratione nos maxime adductos esse profitemur. Quamuis autem uero uideatur quam simillimum, multo plures his duobus inter eos, quos hi tyranni auaritiae studio ducti propter facultatum amplitudinem interfici iusserunt, cicuta necatos fuisse, tamen, quum id de aliis nondum expresse traditum ab antiquis annotauerim, tamdiu mihi in hoc, quem obseruauimus, numero acquiescere licebit, quoad plures proferantur ab his XXX. uiris publice hoc poculo uenenato peremti. Hunc Polemarchum, de quo sermo est, Lysiae fratrem fuisse, clarissimis uerbis legitur apud SVIDAM Tom. III. p. 138. Πολέμαρχος ἐστὶ καὶ κύριον ὄνομα, ὁ τῷ Λυσίᾳ ἀδελφός. et sub his XXX. tyrannis interiisse ex PLUTARCHO constat, qui Lysiam memoriae mandauit tunc temporis fratrem suum amisisse, in uita eius, quae est inter decem oratores Graecos tertia. add. RHOTIVS Biblioth. p. 1463. Comprehensus ille est ab Eratosthene, tyrannorum uno, et in carcerem abductus, ubi iussus uel coactus potius est ab his XXX. indicta caussa cicutam bibere. Iuuabit hac de re audire ipsum fratrem LYSIAM, qui in Oratione XI. quae est contra ERATOSTHE- NEM, c. 5. p. 150. Ἀφικόμενος δὲ εἰς Ἀρχένεω τῷ ναυκλήρῃ, ἐκένον πέμπω εἰς ἄστυ πευσόμενον περὶ τῷ ἀδελφῷ· ἦκον δὲ ἔλεγεν, ὅτι Ερατοδένης αὐτὸν ἐν τῇ ὁδῷ λαβὼν εἰς τὸ δεσμοτήριον ἀπαγάγει. καὶ ἐγὼ τοιαῦτα πεπυσμένος τῆς ἐπιέσης νυκτὸς διέπλευσα Μεγαράδα. Πολεμάρχῳ δὲ παρήγγειλαν οἱ τριάκοντα τὸ ὑπ' ἐκά-

των εἰδομένων παράγχεμα, πίνει κάκειον, πρὶν τὴν αἰτίαν εἰπεῖν,
ὃς ἦν τὰς ἐμμελὲς ἀποθανεῖσθαι.

§. VII.

Tertius, quem hac poena Athenis olim ereptum ob-
seruavi, est Socrates, philosophorum coryphaeus, qui licet
non sub XXX. tyrannis perierit, non multo tamen post
ueneni potionem mortiferam ex mandato publico hausit.
Nam quemadmodum Socrates Therameni, ad cicutam bi-
bendam quum duceretur a lictoribus, opem ferre instituit,
sic et ipse quatuor annis post eodem mortis genere occu-
buit, quippe qui Olympiadis nonagesimae quintae anno
primo expiravit. De quo quidem uiro, qui ab oraculo Del-
phico omnium appellatus est sapientissimus, multa hic dicere
superuacaneum foret, quum nemo tam ignarus sit rerum
in philosophia omnium, qui, quantus hic uir fuerit, igno-
ret, ac pleni ut de ipso uiro, sic et de ipsius obitu ueterum
sint libri. Nam Socratem cicutae potione obiisse testatur
DIOGENES LAERTIVS *Lib. II. segm. 42. p. 105*, de eodem
locutus, καὶ δεθείς μετ' ἑ πολλὰς ἡμέρας ἐπὶ τὸ κάκειον. Ex Grae-
cis idem tradunt DIODORVS SICVL. *Lib. XIII. p. 416. D.*
AELIANVS *V. H. I, 16*, LVCIANVS *bis accusato p. 215*. et in
primis PLATO et XENOPHON locis passim laudandis. Nec
Latini in memorando Socratis ex hac uita excessu per cicu-
tam Graecis concessisse quicquam uidentur, dum eius men-
tionem minime raro fecerunt. Fecerunt, ut quosdam tan-
tummodo adducamus, id CICERO *Tusculan. I, 40*. SENECA
epistola III, et I. XVIII, nec non *de prouidentia cap. 3*. APVLE-
IVS *Metamorph. Lib. X. p. m. 192*. Ex his quum certum ex-
ploratumque sit, Socratem cicuta publica interemtum esse,
causam, quamobrem capitis damnatus sit, paullo altius repe-
rendam esse existimamus. Id est in confesso, tres Socratis
fuisse accusatores, Anytum, Lyconem et Melitum. uid. prae-
ter PLATONEM DIOGENES LAERTIVS *Lib. II. segm. 39. p. 103.*
et DIODORVS SICVLVS *Lib. XIII. p. 416. D.* Ipsa uiri inno-
centissimi accusatio, quam hi aduersarii et fecerunt, et more
Athe-

Athenis recepto iurarunt, uariis uerbis ab antiquis refer-
tur. PLATO *Apolog. Socratis*, p. 359. E. eam his uerbis con-
ceptam scribit, Σωκράτης ἀδικεῖ, καὶ περιεργάζεται, ζητῶν τάτις
ὑπὸ γῆν καὶ τὰ ἐπεράνια, καὶ τὸν ἥττω λόγον κρείττω ποιῶν, καὶ
ἀλλὰ ταῦτα διδάσκων. Contra hoc calumniae iusiurandum
his uerbis memorat XENOPHON *Memorabil. Lib. I. p. 708. A.*
Ἀδικεῖ Σωκράτης, ὅς μὲν ἡ πόλις νομίζει θεὸς, ὃ νομίζων, ἕτερα δὲ
καὶ δαίμονια εἰσφέρειν. ἀδικεῖ δὲ καὶ τὰς νέας διαφθείρειν, quae
ipsa etiam uerba ex Phauorino habet LAERTIUS *Lib. II.*
segm 40. p. 104. Ad quem auctorum dissensum tollendum prae-
clare hic tenendum est ex Platone, duplicem Socratis accu-
sationem factam esse, quarum altera priori, altera posteriori
modo est ab aduersariis iurata, si quidem ipse PLATO po-
steriorem iisdem, quibus Xenophon et alii, uerbis exhibet
d. l. p. 361. G. Plura et alia ueterum testimonia de hac re da-
bit AEGID. MENAGIUS *ad Diog. Laertium p. 92.* Sed quum
ex Xenophonte et Platone, qui scriptas Socratis apologias
posteritati reliquerunt, discamus, falsam hanc fuisse accu-
sationem, et crimina, quae uiro sapientissimo obiecta fuerunt,
conficta, aliam oportet causam, cur damnatus sit capitis,
subesse. quam ego nullam censeo aliam fuisse, nisi quod im-
perio, ut tunc erat, populari infestus fuit. Nam quis nescit,
imperia apud ueteres maximam partem superstitione niti
solita? Certe TULLIO teste *de natura Deorum Lib. I. c. 42.*
fuerunt, qui dixerunt, totam de diis immortalibus opinionem
fictam esse ab hominibus sapientibus reipublicae causam, ut, quos
ratio non posset, eos ad officium religio duceret. Itaque quando
Socrates insimulatus fuit impietatis aduersus deos, ipsius ad-
uersarii hac accusatione nihil aliud mihi uidentur indicare
uoluisse, nisi a Socrate reipublicae statum imperiumque sub-
uertere. Ideo autem impietatis accusationem praetulisse ui-
dentur, quod plebs, cui res erat probanda, nulla re magis
moueri et concitari solet, quam superstitione. Nec huius
meae sententiae nulla plane uestigia in ueterum monimen-
tis cernere datur. Sic enim LUCIANUS *de non temere*
credend. calumn. c. 14. p. 428. Socratem dici apud Athe-
nien-

nienſes ὡς ἀσεβῆ καὶ ἐπιβελον accuſatum eſſe. Haſ uero, quas ſtruxiſſe Socrates hic memoratur, inſidias paullo dilucidius intelligimus ex LIBANIO in *Apolog.Socratis* p.650.Cet D. ubi inter cauſſas, cur damnatus fuerit, recenſet, Μισόδημός ἐστι καὶ τὸς συνόντας πείθει τῆς δημοκρατίας καταγελαῶν, λόγον συνθεὶς ἀνέγνω τοῖς ἐταίροις κατὰ τῆς δημοκρατίας. Quocirca uerum, ob quod a populo damnatus eſt, crimen fuit, quod maiestatis reus habebatur, ſtatumque reipublicae, qui tunc popularis erat, euertere iudicabatur.

§. VIII.

Quodſi uero exempla, quibus hoc ſupplicium omnium primis, quod ſcimus, ſubeundum fuit, paullo attentius ponderamus, et rationes huius poenae ſollicitius conſideramus, ſine ullo negotio intelligimus, cicutam iis poenam fuiſſe irrogatam, qui maiestatis rei dicebantur, ac praesentem dominationem, reique publicae ſtatum labefactaſſe credebantur. Equidem de Polemarcho id affirmare non auiſim, propterea quod nec accuſatio contra ipſum inſtituta, nec ipſi facultas cauſſam dicendi ſeque defendendi conceſſa fuit. Quod uero ad Theramenem attinet ac Socratem, ex iis, quae paullo ante copioſius dicta ſunt, perſpicuum eſſe cenſeo, eos de hoc in primis ſcelere accuſatos publice fuiſſe, neque alia de cauſſa ulla cicutam bibere coactos, niſi quod contra imperii reique publicae rationem, ut tunc erat, et ſentire et agere ducebantur. Id enim niſi populo perſuaſiſſent accuſatores utriuſque, et falſa hac criminatione odium plebis aliquod utrique conciliaſſent, nunquam, opinor, aduerſariis licitum fuiſſet, uiros, quos populus ſui ſtudioſiſſimos et integerrimos antea cognouerat, morti ſubiicere, cicutaque tollere e medio. Nam quid opus fuiſſet accuſatione in Senatu ſolemni, niſi id ad populum deliniendum eumque de criminibus interficiendorum conuincendum factum fuiſſet? Hac ſane ratione plebem ad necem Socratis decernendam inductam et quaſi ſopitam fuiſſe, uel ex eo manifeſtum eſt, quod ſtatim iniquiſſimae actionis poenitentia ducta eius accuſatores, ne dicta quidem

quidem caussa, capitis supplicio affecit. uid. **DIODORVS SICVLVS** *Lib. XIII. p. 416. D.* Quoniam ergo in populi erat potestate positum, post mortem uiri integerrimi in eius aduersarios summa acerbitate animaduertere, minori certe opera illum ipsum a uenenata potione liberare et incolumitati uindicare potuisset, nisi ipsi persuasum fuisset, cum maiestatis reum et salutis publicae infestum, adeoque dignum esse, qui poena publica afficeretur. Accedit, quod cicuta ab primo tempore Athenis publica poena sancita iis postea quoque iniuncta fuit, qui reipublicae perniciosi et salutis patriae euerfores seu maiestatis rei reperiiebantur.

§. IX.

Illustre nobis hac in re specimen praebebat Phocion, qui ad cicutam publicam hauriendam nullam aliam ob causam compulsus fuit in carcere, nisi quod proditiōis suspicione tenebatur, et aduersus populi commoda stetisse inueniebatur. Satis quidem tralatitio modo exitum ducis non spernendi descripsit **CORNELIVS**, quum in eius uita nec mortis genus, quo obiit, nec locum, ubi periit, annotauerit, satis sibi dixisse uisus, si generatim eum ad mortem ductum significaret. At uero quanquam Nepoti supplicii, quod Phocioni subeundum fuit, rationem in acceptis referre minus possumus, aliis tamen scriptoribus huius rei accuratiorē cognitionem iure meritoque debemus. Nam Phocionem una cum sociis suis cicutae haustu in carcere suorum, quorum accusatus est, criminum poenas dedisse ciuibz, ex **DIODORO SICVLO** tam est in aprico positum, quam quod maxime. Sic uero ille *Lib. XVIII. p. 663. D.* de ipso eiusque sociis, *Τὸ δ' ἔσχατον πανδήμῳ Φωνὴ καταχειροτονήδεντες εἰς τὸ δεσμοτήριον ἤγοντο ἐπὶ θανάτῳ*, et paucis uersibus interiectis, *Διὰ δὲ τῆς τῆ κανεῖς πόσεως κατὰ τὸ πάτριον ἔθος τὸν βίον καταλύσαντες*. cui suffragantur **PLVTARCHVS** et **AELIANVS** locis mox proferendis. Crimen, quod mortem Phocioni eiusque affectis accelerauit uiolentam, **PLVTARCHVS** in *eius uita p. 756.* in proditiōe constitisse affirmat. Sed caput totius accusationis in eo situm ex mente **DIODORID. l. B.** fuit,

fuit, ὅτι ἐπὶ παλαιῶν μεγάλῳ μετὰ τὸν Λαμιακὸν πόλεμον, τῆς δὲ δευτέρας τῇ πατρίδι, καὶ τῆς κατελεύσεως τῆς δῆμῳ καὶ τῶν νόμων. CORNELIO in eius uita cap. 4. auctore id maxime cicutae supplicium Phocioni attulit, quod aduersus populi cemmota in senectute fecisset. Quae quum ita sint, neminem fore existimo, qui dubitet, Phocioni, et eius lociis propter laesam maiestatem, hoc est, propter infesta de re publica ac salute patriae consilia cicutam in custodia publica bibendam fuisse. Ceterum quo animo, quauē mentis excelsitate hic uir fuerit, ex iis perspicui potest, quae nobis partim PLVTARCHVS, partim AELIANVS de eo iam iam moribundo exposuerunt. Ille uero sic in eius uita p. 758. D. Ἐπεὶ δὲ Θέοφιλος ἐν τῷ δεσποτηρίῳ γενόμενος καὶ τὸ πῶναιον ὁρᾶν τριβόμενον, ἡγωνάκτει, καὶ κατέκλεισε τὴν συμφορὰν, ὡς ἔ' προσήκοντος τῷ Φωκίῳ συναπολέμενος, Ἐστὶ ἐκ ἀγορεύσεως, ἔπεν, ὅτι μετὰ Φωκίῳ ἀποδήσκει; hic autem Var. Hist. Lib. XII. c. 49. Φωκίῳ, ὁ τῷ Φώκῳ, πολέμῳ ἐξέστησας κατέκλεισε τὴν θανάτω, καὶ ἦν ἐν τῷ δεσποτηρίῳ, καὶ ἐκέλευε πίνειν τὸ πῶναιον. ἐπεὶ δὲ ἄρξεν ὁ δῆμος τὸν κύλικα, οἱ προσήκοντες ἤροντο, εἴ τι λέγοι πρὸς τὸν υἱόν; ὁ δὲ, ἐπισκῆπτω αὐτῷ, μηδὲν Ἀθηναίῳς μνησμάκησεν ὑπὲρ ἧς παρ' αὐτῶν φιλοφροσύνης, ἧς νῦν πίνω utrumque hoc etiam repetiit PLVTARCHVS *Aporrhethem. Imperat. p. 189. A.*

§. X.

Haec igitur sunt illa exempla, de quibus diserte ab auctoribus traditum obseruavi, iis siccum cicutae publice mixtum supplicii loco apud Athenienses hauriendum fuisse. quibus tamen multo plures eundem uitae exitum, eandemque sortem Athenis habuisse, qui negaturus sit, fore puto neminem. Neque enim cum Phocione solum alii multi eiusdem, cuius ille, factionis eadem poena interierunt, uerum etiam Crito apud PLATONEM *Phaedon. p. 401. H.* se testatur et alios uidisse ante Socratem, qui coacti fuerint cicutam bibere. Quid? quod longo post tempore diuque post rem publicam Atheniensium funditus euersam idem hoc supplicii genus adhuc in usu fuisse apud Romanos uidetur. Etenim si uera sunt, quae Graeci de mor-

te Iustini martyris nobis reliquerunt, cicuta illum potio calixque uenenatus transtulit in coelum. Equidem non sum nescius, aliud plane mortis genus Patri huic sapientissimo tribui in Actis illis, quae de martyrio huius Iustini adhuc superesse feruntur. uid. BARONIUS *ad annum 165. n. 2. p. 150.* et GVIL. CAVE *Antiquis. Patr. Part. I. p. 316. seq.* Nam in his, quae diximus, actis memoratur, Iustino eiusque sociis numero sex a Rustico, praefecto urbis, denuntiatum fuisse, ut uel imperatoris edicto parerent, Diisque sacrificarent, uel ex praecepto legum flagello caesi ad capitalem poenam abducerentur, et Iustinum imperata a Rustico facere nolentem una cum sodalibus ad consuetum locum perductum post uerbera securi percussum esse, et in Saluatoris confessione martyrium consummasse. At longe aliter huius uiri exitum mortemque referunt Graeci. his enim auctoribus Iustinus non securi percussus occubuit, sed cicutae potione ipsis Kalendis Iuniis ex hac uita discessit. Verba, quibus obitus Patris Philosophi narratur, ita se habent in *Menaeis Graecis ad diem mensis Iunii primum*, Ες τὴν α' τῆς Ἰουνίου μηνὸς τῆς α' αἰῶνος μάρτυρος Ἰστίνου τῆς Φιλοσόφου.

Ἰστίνον κώνειον ἤρεν ἐκ βίης.

Ὡς εἶδε πρῶτον τὰς πιεῖν δαδωκότας.

Πρώτῃ Ἰουνίου ἐδεβορίζει Ἰστίνον.

Non est mihi iam animus, multis inquirere, utrum cicuta, an securi perierit Iustinus, praesertim quum nec Eusebius ullam de mortis genere, quod pertulerit martyr, mentionem faciat, nec me fugiat, per hanc potionem mortiferam ab aliis nihil aliud intelligi, nisi odium acerbissimum Crescentis philosophi, quo effectum sit, ut Iustinus capitis damnetur. Contra ea mihi pariter constat, acta illa, ex quibus alterum illud mortis genus de Iustino affertur et confirmatur, partim spuria a uiris doctissimis haberi, partim de alio Iustino explicari. Sed utcunque ista se habeant, nos ad cicutam nostram Athenis frequentatam reuertimur.

§. XI.

Postquam igitur haecenus dictis satis demonstratum esse

C

puta-

putamus, cicutae potionem in maiestatis damnatos publice constitutam fuisse apud Athenienses poenam, iisque irrogatam, qui contra imperium et commoda rei publicae machinari aliquid credebantur, sequitur, ut paucis etiam doceamus, cur non uenenum quodcunque, sed cicutam huic supplicio elegerint Athenae. Quod quum fieri non possit aliter, nisi ut de ipsa cicuta, herba, eiusque uiribus agamus, non ab re erit ea, quae hoc in genere apud ueteres mihi obseruata fuerunt, in lucem aspectumque proferre. Ac primum quidem uidebimus, quibus in regionibus cicuta nasci maxime tradatur, et quae dicatur maximarum uirium esse. Eam, quae Susis, urbe in Parthorum regno nobilissima, crescebat, reliquis ueneni acerbitate antecessisse auctor est PLINIVS *H. N. XXV, c. 13. Maxima uis natae, cicutae, Susis Parthorum, mox Laconicae, Creticae, Asiaticae, in Graecia uero Megaricae, deinde Atticae.* Non defuerunt quidem, qui lectionem hoc in loco uulgarem sollicitare, eamque corrigere dicam, an peruertere non dubitarunt. Sic enim praeter ceteros uerba Plinii, quae modo attulimus, legenda censet PETRVS PETITVS *Miscellan. Obseruat. p. 48. Maxima uis natae Susis Parthorum, mox Asiaticae, in Graecia uero Laconicae, Creticae, Megaricae, deinde Atticae.* At non erat profecto, quod Vir doctissimus receptam lectionem in dubium uocaret, et aliam nobis a mente ipsius Plinii alienam propinaret. Nam ipse PLINIVS *H. N. III, 7.* dicit Laconiam et Cretam ad Graeciam speciatim consideratam non pertinere. uid. si placet, IOANNES HARDVINVS *ad Plinium p. 383.* Deinde de cicuta Susis enasci solita Plinio patrocinator THEOPHRASTVS *Histor. Plantar. Lib. IX. c. 17.* de reliquis regionibus cicuta fertilibus idem testatur DIOSCORIDES *Lib. III. c. 79.* Cicutam autem inter uenena referendam esse, non solum exempla antea producta confirmant huius potione peremta, uerum auctores etiam id clarissimis uerbis testantur. Ac ne in afferendis testimoniis, quae uel ex hac commentatione facili negotio conferri possunt, nimii simus, satis habebimus unum audire PLINIVM, qui

qui *H. N. XXV, 13. Cicuta, inquit, quoque uenenum est, publica Atheniensium poena inuisa.* Sed tantum abest, ut haec herba omnibus animalibus mortem afferat, ut nonnullis cibum suppeditet maxime conuenientem. Testis est *LVCRETIVS*, sues cicuta non enecari, sed pinguescere solere, quando *Lib. V. uers. 902. seq.*

Quippe uidere licet pinguescere saepe cicuta

Barbigaras pecudes, homini quae est acre uenenum.

Id ipsum etiam cognoscere datur ex *AELIANO de Animal. Histor. Lib. III. c. 23.* Eadem ratione a sturnis cicuta sine ullo detrimento aut periculo uitae deuoratur. cuius rei testimonium satis assiduum perhibet *GALENVS de simplic. medic. uiribus Lib. III. c. 18. p. 78. C. edit. Paris.* Ουτως ἔν τὸ κώνειον ἀνθρώπον μὲν ἀναιρεῖ τῆτε τῶν πέτρων ἐυσύτητι καὶ τῷ πλήθει τῆς θερμότητος, καὶ τῇ ῥύμῃ τῆς τῶν ἀρτηριῶν ὀλκῆς, ἰσχυρὸν ἔτι πρὸς τὴν καρδίαν ἀφικνῶμενον. ἐκ ἀναιρεῖ δὲ τὰς ψάρας ἐπὶ τοῖς ἐναντίοις αἰτίοις. E contrario haec ipsa herba nocet oloribus, teste *AELIANO Histor. Animal. Lib. III. c. 7.* Hominibus cicutam uitae periculum afferre et uenenum esse praeter ipsa exempla affirmat *PLINIVS H. N. XIII. c. 5. Sicut cicuta homini uenenum est, sic cicutae uinum.* Idem ex *Lucretii* et *Galenii* locis iam nunc prolatis ipsa luce clarius est. accedunt *AELIANVS d. l. DIOSCORIDES Lib. III. c. 79. alii.*

§. XII.

Cicutam uero in genere uenenorum non uehemens esse, neque toto, quod aiunt, genere uenenum, quae sunt uerba *PETR. PETITI d. l. p. 48.* uariis confirmatum exemplis apud ueteres reperimus. Luculentissimo huic rei est documento anus illa Attica, quae a minima cicutae portione auspicata, paullatimque ad maiorem copiam progressa, hac ratione mandendae eius consuetudinem sibi fecerat. qua de re *GALENVS d. l. p. 78. E.* Καὶ τὸ κώνειον ἀνθρώπον μὲν ἀναιρεῖ τῷ φθάνειν. ψάρας δὲ τρέφει τῷ βραδύνειν. ἀναιρήσει δὲ ἑδὲ ἀνθρώπον, ἀν' ὀλίγον ληφθείη. καὶ τὸτο καὶ ἡ Ἀττικὴ γραῦς ἔδειξεν, ἧς ἅπαντες μνημονεύουσιν. ἀπ' ἐλαχίστη μὲν ἀρχαμένη κυνεῖε, προσελθῆσα δὲ ἀλύπως ἐπὶ πληθὺς ἱκανόν. ἐξ ἀρχῆς μὲν γὰρ

ἐνικήθη τὸ βροχὸν δὲ αὐτὴν τῇ ἐλγότητι, τῷ δὲ ἐθισμῷ σύμφυτον ἐγένετο. Idem etiam suo exemplo docuit Seneca, qui teste TACITO *Ann. Lib. XV. c. 64.* durante tractu et lentitudine mortis Statium Annaeum diu sibi amicitiae fide et arte medicinae probatum orauit, ut prouisum pridem uenenum, quo damnati publico Atheniensium iudicio extinguerentur, promeret, allatumque hausit frustra frigidis iam artubus et clauso corpore aduersum uim ueneni. Quid? quod nonnulli uel publice damnati apud Athenienses cicutam quandoque bis, quandoque ter bibere coacti sunt, prout EX PLATONE *Phaed. p. 378. A.* intelligi potest. Multum autem ad uires cicutae letales conferre ipsa loca, in quibus reperitur et nascitur, ex §. superiori XI. iam patet. Sic in Italia cicutam non adeo exitialem esse EX MATTHAEOLO *ad Dioscoridem Lib. III. c. 74. et Lib. VI. c. II.* discimus, ubi uaria affert exempla eorum, qui a cicuta uel pota uel in cibis sumpta praeter amentiam ac furorem nihil passi fuerunt, ab ipso Matthaeolo pristinae mentis sanitati restituti. Hinc etiam FORTVN. LICETVS *antiq. Schemat. gemm. annular. p. 421.* negat cicutam Italico uel Gallicano solo natam succo suo mortem afferre posse. De hac igitur cicuta, quae letalis non consueuit esse, intelligendus uidetur HORATIUS *Epod. III. 3.*

Edat cicutis allium nocentius,

et PLINIVS *H. N. XXV, 13.* quando cicutam scribit uiridem in patinis edi. Sine dubio quoque eiusmodi cicutam, quae frigore suo non extinguit homines, respexit GALENVS, dum in libro, quod mores animi temperamenta corporis sequantur, cap. 3. p. 447. C. ed. Paris. *Ἡ μὲν, inquit, τῷ αἵματος κένωσις καὶ ἡ τῷ κωνεῖς πόσις καταψύχει τὸ σῶμα.*

§. XIII.

Virus cicutae non acerrimum esse, exinde quoque, opinor, perspicitur, quod uariae res eidem mederi ab antiquis dicuntur. Nam *sicut cicuta homini uenenum est, sic cicutae uinum*, scribit PLINIVS *H. N. XIII. c. 5.* Idem *Lib. XXV. c. 13. Remedio est cicutae, priusquam perueniatur ad uitq-*

italia, uini potina exaltatoria. Plinio iam praeiuit DIOSCORIDES *Lib. III. c. 79.* *Εἰ δὲ καὶ αὐτὸ, κώνειον, τῶν φαρμακῶν κατὰ φύξιν ἀναρεῖν. βοηθεῖται δὲ ἀκράτω.* Non possum mihi temperare, quin hic exhibeam illustrem hac de re locum, qui legitur in *PLUTARCHO Sympotiac. Lib. III. quæst. V. p. 653. A.* Εὖν δὲ, ὅτι τὸ κώνειον ἐπιπινόμενος λίσσασθαι δοκεῖ πολὺς ἀκρατος, οἶονταί τῷτο θερμότητος εἶναι τεκμήριον, ἡμεῖς αὖ φησόμεν ἀναρεῖσθαι, ὅτι συγκαθεὶν αὐτὸ τῷτο φάρμακον ἀνίστην ἐστὶ, καὶ καὶ θάπαξ ἀποκτείνει τὸς πίνοντας. ὥστε μηδὲν μᾶλλον εἶναι δοκεῖν τῷ ἀντιπράττειν θερμὸν, ἢ τῷ συνεργεῖν ψυχρὸν. εἰ δὲ μὴ, ψυχρότητι τὸ κώνειον, ἐκ ἄλλῃ τινὶ φύσει καὶ δυνάμει μᾶλλον δοκεῖν ἐστὶν ἀναρεῖν τὸς πίνοντας. *Experientia id magistra didicisse uidentur sacrilegi, qui Lacedaemone Mineruae Chalcioeci templum compilaturi cicutam biberant, eius uenenum autem epoto mero diluerant.* Ita enim de his hominibus perditissimis *PLUTARCHVS de garrulitate p. 509. D.* *Ἐν Λακεδαιμόνι τῆς χαλκιοῦς τὸ ἱερὸν ὠφθῆ στυλῆμενον, καὶ κειμένη ἔσθον κενὴ λαγύνου. ἦν ἔν ἀπορία πολλῶν συνδεδραμηκότων, καὶ τις τῶν παρόντων, εἰβέλεδε, ἔπεν, ἐγὼ φράσω ὑμῖν, ὃ μοι περίστατο περὶ τῆς λαγύνου. νομίζω γάρ, ἔφη, τὸς ἱεροσύλους ἐπὶ τηλικαῦτον ἔλθεῖν κίνδυνον κώνειον ἐμπιόντας καὶ κομίζοντας οἶνον, ἵνα, εἰ μὲν αὐτοῖς λαθεῖν ἐγγένοιτο, τῷ ἀκράτῳ ποθέντι σβέσαντες καὶ δαλύσαντες τὸ φάρμακον ἀπέλθοιεν ἀσφαλῶς. εἰ δ' αἰλίσκοντο, πρὸ τῶν βασάνων ὑπὸ τῷ φαρμάκῳ ξαδίως καὶ ἀνωδύνως ἀποθανοίεν.* Sicuti uero cicutae haustae uinum resistit, eiusque uim, quo minus mortem conciliet, retundit, sic e contrario ipsa cicutam ad uinum largius bibendum conducere, et ob hanc ipsam causam praesumpta esse ab heluonibus refertur. *PLINIVS H. N. XIII, 22. Ac bibendi causa etiam uenena conficiuntur, aliis cicutam praesumentibus, ut bibere mors cogat, aliis pumicis farinam.*

§. XIII.

Neque tamen uinum solum cicutae uires ad interficiendum ineptas reddit et inertes, sed et aliis rebus eadem uirtus inesse dicitur. *Nulli dubitamus*, inquit *OLAVS BORRICHIVS in dissert. de uenenis p. m. 215. periculo a cicutae*

largiori dosi orienti conueniuntur occurri posse et protelari interitum haustu rursae, gentianae, anemone, castorei, myrrhidis, piperis. uid. NICANDER *Alexipharm.* p. 142. edit. Paris. ex quo et PLINIVS H.N.XXII. 13. affert, urticae semen cicutae contrarium esse. Interim cicutae, quod affirmauit Borrichius, rutam remedio esse, non tantum PLINIVS XX, 13. docet, uerum etiam ATHENAEVS *Deipnos. Lib. III. c. 7. p. 85. A.* ex Theopompo annotauit, Heracleotas se contra uim cicutae ruta munuisse. Εἰ τις τέτοις ἀπιεῖ, inquit, μάθεται καὶ παρὰ Θεοπόμπου τῷ Χίῳ, ἀνδρὸς Φιλαλήδους καὶ πολλὰ χρήματα καταναλώσαντος εἰς τὴν περὶ τῆς ἰσορίας ἐξέτασιν ἀκριβῆ. Φησὶ γὰρ εἶναι ἐν τῇ ὀγδόῃ καὶ τριακοστῇ τῶν ἰσοριῶν περὶ Κλεάρχου δηγόμενον τῷ Ἡρακλεώτῃ, τῶν ἐν τῷ Πόντῳ τυράννων, ὡς βιάως ἀνῆρει πολλὰς. καὶ ὡς τοῖς πλείστοις ἐδίδοι κώνειον πιεῖν. ἐπειδὴ ἔν, φησὶ, πάντες ἔγνωσαν τὴν τῷ Φαρμάκῃ ταύτῃ φιλοτησίαν, ἢ προήεσαν τῶν οἰκίῳν, πρὶν φαγεῖν πῆγανον. τῆτο γὰρ τὰς προφαγόντας μὴδὲν πάσχειν πίνοντας τὸ ἀκόνιτον. Quo quidem in loco HIERONYMVS MERCVRIALIS, *Lib. III. Var. Lectiōn. cap. 4. p. 58.* nomen κώνειον corrigendum putat per ἀκόνιτον, propterea quod ANTIGONVS in *Collectaneis paradoxis* eandem rem memorans nullam mentionem fecit τῷ κώνειῳ, sed tantum aconitum nominauit. Sed prout ipse Vir doctissimus eatenus Antigonum ex Athenaeo emendandum censet, qua pro Clearcho habet Agatharchus, sic causam uideo nullam, cur, quod ad nomen κώνειον attinet, hic ex illo corrigendus sit. Nam primum cicutae rutam resistere iam probauimus. deinde ab Athenaeo ἀκόνιτον et κώνειον pro uno eodemque sumtum esse ex STEPHANO licet cognoscere, qui *de urbibus V. Ακόναι*, hunc ipsum Athenaei locum referens, λέγεται καὶ ἀκόνιτον, inquit, δηλητήριον φάρμακον, ὡς Ἀθηναῖος ἐν τῷ τρίτῳ Δειπνοσοφιστῶν, ἰσοριῶν, τὰς προφαγόντας τὸ πῆγανον μὴδὲν πάσχοντας ἐκ τῷ κώνειῳ. uid. ISAACVS CASAVBONVS *ad Athenaeum* p. 164. Ipse Mercurialis ab hac sententia non uidetur admodum abhorruisse, dum dicto loco sic ait, *Ut uulgo hodie toxici nomine genus ueneni quoduis significamus, sic forte et cicutam et*

aconitum ueteres indifferenter usurparunt, quando scilicet uenenum et non plantarum genus diuersum erat significandum. simulque obseruat Arabes *návesov* et *ánávirov* forsán idem putantes sturnos aconito uesci tradidisse, quum non aconito, sed cicuta eos nutriri Galenus et alii tradant. uid. §. XI. Mihi certe dubium non uidetur, quin cicuta pro aconito et hoc pro illa apud ueteres nonnunquam fuerit collocata. Nam cum illud iam ex Athenaei et Stephani locis apparet, tum idem ex MACROBIO ipsa luce illustrius est, qui *Saturnal. Lib. VII. c. 6. p. m. 541.* uinum natura frigidum esse probaturus, *Dabo aliud, inquit, indicium accidentis magis uino, quam ingenti caloris. nam si quis aconitum nesciens hauserit, non nego haustu eum meri plurimi solere curari. infusum enim uisceribus trahit ad se calorem et ueneno frigido quasi calidum iam repugnat. si uero aconitum ipsum cum uino tritum potui datum sit, haurientem nulla curatio a morte defendit.* Nam quis haec legendo, uel me tacente, non intelligit, Macrobius hic non tam respexisse, quam expressisse PLUTARCHI locum, quem §. XIII. *ex Symposi Lib. III. qu aest. V. p. 653.* produximus. Atqui quum, quae Plutarchus de cicuta memorat, haec ipsa Macrobius de aconito dicat, perspicuum est, aconitum et cicutam interdum promiscue usurpatam. ut taceam, ea, quae aconito tribuit Macrobius, cicutae conuenire omnia ex §. superiori XIII. His iungi poterit IOACHIM. KVHNIVS *ad Aeliani V. H. III. 37. p. 294.* ubi docet *ánovíζεδαι* idem sonare, quod *návióζεδαι*.

§. XV.

Quamobrem quia pro aconito quandoque reperitur cicuta posita, lucem fortasse accipit locus HORATII, qui interpretum ingenia mirandum in modum exercuit. Habetur ille *Lib. II. Epist. II. uers. 52. seq.*

Sed quod non desit, habentem

Quae poterunt unquam satis expurgare cicutae.

Quum enim cicuta nulla ualeat facultate purgandi ex sententia medicorum, uid. GVIDO PATINVS, medicus Parisiensis,

fiensis, apud LICETVM loco saepius iam laudato p.412.eandem tamen hoc in loco ei tribuat poeta,uariis modis mentem Venūsini uatis explicare studuerunt, qui in eum commentati sunt.Plerique Acronem,ueterem Horatii interpretem, secuti cicutam hic pro helleboro adhibitam esse contendunt.DIONYS. LAMBINVS mauult hoc nomine significari cucurbitas, quae corporibus admouentur, ad uitiosum sanguinem eliciendum, uel loco cicutae legendum putat, *Sicyiae*, quae uox Graeca est Gallis et Graecis medicis usitata, qua id intelligunt, quod Latini cucurbitas appellant. ADRIANVS TURNEBVS *aduersar. Lib. I. c. 8.* Horatium hic censet cicutas posuisse uel pro herbis medicatis et purgantibus, in quibus singulis uirosus succus inest ac deleterio medicamento proximus, uel respectu ad ferulaceos et cicutis similes hellebori caules, cicutas dixisse, ut intelligamus, ex caulium hellebori cicutis helleborum cicutam ad medicamentorum infamiam uocasse, aut uenenatam medicamenti speciem pro saluari ioculariter posuisse. Turnebo aliqua ex parte ad stipulatur CL. SALMASIVS *ad Solinum p. 742.* dum in hoc poetae loco per cicutam intelligi uult quamlibet cannam intus cauam et inanem. FORTVN. LICETVS *d. l. p. 415.* Horatium non agere medicum hic loci credit, ut de cicutae planta purgante corpus humoribus prauis agere debuerit, sed poetam de cicuta musice canora, uel proprie fistulam harmonicam intelligentem, uel per metalepsin signantem ipsam poesin. At quamuis tantis Viris meliorem aliquam ac ueritatis specie se efficacius commendantem explicationem in scenam producere, per quam arduum, paene dixerim, temerarium uideatur, neminem tamen tam iniquum fore confido rerum aestimatorem, qui uitio mihi daturus sit, si saluis summorum hominum cogitatis meam qualemcunque de loco obscurissimo coniecturam iussero in lucem prodire. Probatum est §. superiori, cicutam et aconitum promiscue usurpari solita. quod ut loco, de quo agimus, Horatiano applicari posse existimem, eo adducor, quod aconitum facultatem purgandi tantam habere dicitur, ut eua-

evacuatione homines occidat. Tradit id uerbis disertissimis IULIUS POLLUX *Lib. V. segm. 132. p. 547.* Οἱ δὲ καὶ τὰ ἐλατήρια Φάρμακα ἐπὶ τήνδε τῆν τῆσιν, ὡς διὰ κενώσεως ἀναιρῶνται, ὥσπερ τὸ ἀκόνιτον καὶ τὸ ἐλέβορον. τὸ γὰρ κώνειον κατὰ φύξιν ἀναιρεῖ, ὥσπερ ὁ μανδραγόρας κατὰ κακηβαρίαν. Sententiam uero Horatii in uersu adducto hanc arbitror esse, *Hominem auarum nullum unquam medicamentum, quod uel summum maximamque purgandi uim ac potestatem habet, sanum reddet, ut plura habendi exuat cupiditatem.*

§. XVI.

Venenum non uehemens cicutam esse cum clarum sit ex iis, quae a nobis commemorata haecenus fuerunt, tum eandem efficere tranquillissimum et ab omni doloris sensu remotissimum ex hac uita discessum nemo facile negabit, nisi qui nihil unquam hac de re legit in ueterum monumentis. Etenim quando Thrasyas Mantinensis gloriabatur, tale a se medicamentum excogitatum esse, quod facilem et omni dolore uacuum obitum praestaret, cicutam in primis ad conficiendum illud uoluit adhiberi. qua de re THEOPHRASTVS *Histor. Plantar. Lib. IX. c. 17.* Θρασύας δὲ ὁ Μαντεὺς ἐυρηκέναι τι τοιῆτον ἔλεγεν, ὥς ἐ ξαδίαν ποιεῖν καὶ ἄπονον τὴν ἀπόλυσιν, τοῖς ὁποῖς χρῶμεν κώνειον τε καὶ μήκων καὶ ἑτέρων τοιῶτων. Cicutam ergo potam, uerba sunt SCRIBONII LARGI *composit. medic. c. 179.* caligo mentisque alienatio et artuum gelatio insequitur, ultimoque praefocantur, qui eam sumserunt, nihilque sentiunt. Qua de caussa Socratem facillimo mortis genere defunctum praedicat XENOPHON. *Apolog. Socrat. p. 707.* C. de eo scribens, Τῷ μὲν γὰρ βίῃ τὸ χαλεπώτατον ἀπέλυσε. τῶν δὲ θανάτων τῷ βίῃ ἔτυχεν. Vnde inuidus iste se deferens apud LIBANIUM *Declamat. VIII. p. 323. A.* Τὴν διὰ κωνεῖς προτίθησι τελευταίην τῆς ἐκ τῷ λυπεῖσθαι συμβητομένης. Praeterea ipsum necandi modum, quo cicuta utitur in potoribus suis, pensitanti altius unicuique fiet manifestum, hanc moriendi rationem cum nullo fere doloris sensu coniunctam esse. Nam si

D

uerum

si uerum est, quod auctores satis assidui testantur, cicutam frigore suo calorem in corpore humano sensim exstinguere, et sanguine spissando homines necare, per se patet, omnem fere acerbiter ab hac dissolutione corporis et animae exulare. Elegantissime haec describit NICANDER *Alexipharm.* p. 140.

Καὶ τέ συ κώνειε βλαβὸν τεκμήρεο πῶμα,
Κεῖνο ποτὸν δὴ γὰρ τε κορήσῃ Φοινὸν ἰάπῃ,
Νύκτα φέρον σκοτόεσσιν, ἐδίνῃσιν δὲ καὶ ὄσσε,
Ιχθεσὶ δὲ σφαλεροὶ τε καὶ ἐμπάζοντες αἰγυαῖς
Χερσὶν ἐφερπύζουσι. κακὸς δ' ὑπὸ νείατα πνιγμὸς
Ἰσθμία καὶ Φάρυγος τριήνην ἐμφράσσεται οἶμον,
Λαρεὰ δὲ τοὶ ψύχει.

Sic uero uim suam letalem in corpore humano pota cicuta exerit, ut a pedibus progrediatur ad praecordia. unde de illa ARISTOPHANES *Ran. uers.* 125.

Εὐθὺς γὰρ ἀποπνήγῃσι τὰντικνῆμια.

ubi SCHOLIA ita p. 125. Ἀπὸ τῶν ποδῶν ἔτ' ὁ θάνατος ἄρχεται, πρῶτες αὐτὲς καταψύχων. ὡς τῷ ζωτικῷ αἵματος περὶ τὴν καρδίαν συζελομένε. Exemplum huius rei illustrissimum nobis suppeditat mors Socratis, quam sic describit PLATO *Phaedon* p. 102. D. Ο δὲ περιελθὼν, Σωκράτης, ἐπειδὴ οἱ βαρύνεσθαι ἔφη τὰ σκέλη, κατεκλίθη ὑπτί. ἔτω γὰρ ἐκέλευσεν ὁ ἀνδρῶπ. καὶ ἅμα ἐφαπτόμεν αὐτῷ ὁ δὲ τὸ φάρμακον, διαλυτὸν χρόνον ἐπεσκόπει τὰς πόδας καὶ τὰ σκέλη καί περτα σφόδρα πῖσας αὐτῷ τὸν πόδα, ἤρετο, εἰ αἰσθάνοιτο. ὁ δ' ἐκ ἔφη. καὶ μετὰ τῷτο αὐθις τὰς κνήμας, καὶ ἐπαινῶν ἔτ' ἡμῖν ἐπεδείκνυτο, ὅτι ψύχοιτό τε καὶ πήγνυτο. καὶ αὐτὸς ἤπτετο καὶ ἔπεν, ὅτι ἐπειδὴ πρὸς τῇ καρδίᾳ γένηται αὐτῷ, τότε οἰχήσεται. ἤδη ἔν χερσὶν τι αὐτῷ ἦν περὶ τὸ ἥτρον ψυχόμενον κ. τ. λ.

§. XVII.

Atque hanc cicutae uirtutem, qua calorem in nobis ui frigoris sui exstinguit, ii quoque agnouisse censendi sunt, qui ea usi sunt ad libidinem ueneremque reprimendam. Tangit haec DIOSCORIDES *Lib. III. c. 79.* quando eo referente, ἡ πόα τῷ κώνει καὶ ἡ κόμη λεία καταπλαττομένη τῶν διδύμων

διδύμων ὀνειρώτιστα βοηδεῖ. παρήσι δὲ καὶ αἰδοῖα καταπλάδυνται.
 cui addatur PLINIVS *H. N. XXV. c. 13.* Fecerunt id apud
 antiquos sacerdotes Cereris Eleusinae, si uera sunt, quae
 tradit SCHOLIASTES *Perſii Satyr. V. 145.* *Cicuta calorem*
in nobis frigoris sui ui extinguit. unde sacerdotes Cereris
Eleusinae liquore eius ungebantur, ut a concubitu abstineant.
 Cui sententiae accedit testimonium HIERONYMI, qui *Lib.*
I. aduersus Iouianum p. 191. edit. Bened. testatur *Hierophan-*
tas quoque Atheniensium usque hodie cicutae sorbitione ca-
strari, et postquam in Pontificatum fuerint alleſti, uiros esse
definere. uid. PETRVS HENDREICH *Massiliae Sect. II. p.*
2960. Tom. VI. Gron. Porro facili potest negotio ab uno-
 quoque intelligi, qui factum sit, ut multi antiquis tempo-
 ribus cicuta mortem sibi consciuerint, eamque sua sponte
 hauserint. Quum enim probe cognitum haberent per-
 spectumque, cicutae sorbitione et facillimam mortem ho-
 minibus et celerrimam contingere solere, nulla sibi ratio-
 ne uisi sunt melius de uitae statione iniussu imperatoris sum-
 mi decedere posse, quam si hausta cicuta ad mortem rue-
 rent uoluntariam. Qua quidem ratione iam olim sibi uiol-
 entas manus intulisse fertur Stenobaea, Proeti uxor. Nam
 dum illa Bellerophontem deperibat, nec ab ipso uoti
 damnabatur, coniugi persuadet se ab ipso ultro compella-
 tam esse. quare iste ad Iobatem, patrem Stenobaeae, mis-
 sus ad interficiendam Chimæram ablegatur. quum uero
 Bellerophonti ab immani bestia ope Pegasi prostrata redu-
 ci rex alteram filiam in matrimonium dedisset, Stenobaea
 hac re audita ipsa se cicuta usa interfecit. SCHOLIA *Ari-*
stophanis Ran. uers. 1075. p. 156. Σθενόβεια δὲ, ἣν Ὀμηρος Ἀντίαν,
 ἥτις ἡράδι τῷ Βελλεροφόντι, ἔ μὴ ὑπακούοντῳ κατεψεύσατο
 πρὸς τὸν ἴδιον ἄνδρα Προῖτον ὡς βιαζομένη καὶ ὅς ἐπεμψε τῷτον
 εἰς τὸν πενθερὸν αὐτῆς ἀναιρεθησόμενον. ἐλθόντος ἔν ἐκεῖσε Βελ-
 λεροφόντι καὶ καθαρῷ φανέντῳ μὴ φέρουσα τὴν αἰχλὴν ἣ Σθε-
 νόβεια, κωνεῖα ἐχρήσατο. uid. si placet HYGINYVS *fabul. LVII.*
p. 103. De Seneca idem tentante quoniam supra iam dictum
 est, hic nihil attinet quaedam commemorare, aequè ac

de sacrilegis et templi Minervae compileribus supra iam adductis. Simile quid nobis persuadere voluit de nobilissima prodigorum triga Pericle, Callia et Nicia AELIANVS, qui absumtis per intemperantiam luxumque facultatibus ad incitas redacti cicutam sibi inutuo propinauerint, et hoc potu finem fecissent uitae suae. Locus est *V. H. Lib. III. c. 23.* ubi ita, *Οτι Περικλέα καὶ Καλλιάν τὸν Ἱπποκρίτη καὶ Νικίαν τὸν Περικλειῆδην τὸ αἰσώτευσθαι, καὶ ὁ πρὸς ἡδονή. βίος εἰς ἀπορίαν περιέστησεν. ἐπεὶ γὰρ ἐπέλυε τὰ χρήματα αὐτοῖς, οἱ τρεῖς κάνοιον τελευταίαν πρόποσιν ἀλλήλοις προπιόντες, ὥσπερ ἐν ἐκ συμποσίᾳ ἀνέλυσαν.* Sed grauissime hic Sophistam memoria lapsum, et eorum, quae ex Athenaeo forsan hauserat, oblitum fuisse, praeter SCHEFFERVm in doctissimis suis ad hunc locum obseruationibus docuit IACOBVS PERIZONIVS *p. 384. edit. Gron.* Nam quae Athenaeus de Nicia eiusque amicis consignauit litteris, ea Aelianus ad Periclem et Calliam simul transtulit, quia in antecedentibus eorum facta erat ab Athenaeo mentio. neque enim de Pericle et Callia eiusmodi quid a quoquam traditum reperitur. Ceterum de Nicia agit ATHENAEVS *Lib. XII. c. 9.* Neque aliunde mihi origo consuetudinis apud Ceos, qua senes ad officia patriae praestanda inepti cicutam bibere solebant, arcessenda uidetur, nisi ab eo, quod cicutae potio exitum uitae conoiliat faciliorem. Afferuauit nobis huius consuetudinis memoriam et ad nos transmisit AELIANVS *V. H. III. 37.* *Νόμος ἐστὶ Κείων, οἱ πάντες παρ' αὐτοῖς γεγηρακότες ὥσπερ ἐπὶ ξενίᾳ παρακαλῶντες ἑαυτοὺς, ἢ ἐπὶ τινὰ ἐορταδικὴν θυσίαν ἀνελθόντες, καὶ σεφαινωσάμενοι πίνεσι κάνοιον, ὅταν ἑαυτοῖς συνειδῶσιν, ὅτι πρὸς τὰ ἔργα καὶ τῇ παιδείᾳ λυσitteλῆντα ἀχρηστοὶ εἰσιν, διποληρέως ἤδη τι αὐτοῖς καὶ τῆς γνώμης διὰ τὸν χρόνον.* ad quem locum uid. SCHEFFERVm et KVHNIVS *p. 294.* Constanti animo hanc mortem subibant senes, quemadmodum id suo docuit exemplo nobilissima apud Ceos matrona, quam ipse VALERIVS MAXIMVS *Lib. II. c. 6. n. 8.* uidit hoc pacto diem obire supremum. Ab his Ceis idem institutum eandemque consuetudinem acceperunt Massilienses, de quibus lau-

laudatus VALERIVS d. l. v. 7. *Venenum cicuta temperatum in ea civitate publice custoditur, quod datur ei, qui causas sexcentis, id enim Senatus eius nomen est, exhibuit, propter quas mors sit illi expetenda, cognitione virali benevolentia temperata, quae nec egredi uita temere patitur, et sapienter excedere cupienti celerem faciendam praebet.* Immerito autem hanc ex uita discedendi rationem inter poenas retulisse uidetur LICETVS d. l. p. 419. et IOANNES HARDVINVS ad *Plinii Hist. Nat. p. 383.* quum sua sponte cicutam biberent uitae taedio adducti. Id ipsum liquido constat ex LIBANIO, apud quem *Declamat. XI. p. 377. B.* parasitus ideo sibi ἐπὶ τὸ κώνειον βαδίστον censet, quia genius quidam inuiderat ipsi cibum, atque occasionem uitae uoluptariae surripuerat. et *Declamat. X. p. 361. C.* avarus postulat cicutae potionem, propterea quod drachmarum quingentarum thesauro inuento mille ab eo peterentur. Denique ex *Declamat. VIII. p. 323. B.* id clarissime elucet, ubi non solum inuidus postulat cicutam, quoniam uicinus repente factus erat locuples, sed et perspicuis uerbis dicitur, τὸ ἐκ τῷ νόμῳ κώνειον τοῖς πρῶτοις κακοῖς ὑμῶν διδόντων. Nec alia de causa cicutae haustu utebantur Chii, quam quod hoc modo obitus euaderet celer facilisque. THEOPHRASTVS *Hist. Plant. Lib. IX. c. 17.* Επεὶ καὶ Χίως Φασὶ τῷ κωνεῖω πρότερον εἶχε ἔσως, ἀλλὰ τρέβαντας, καθάπερ οἱ ἄλλοι, χρῆσθαι. νῦν δὲ ἐδ' αὖν εἰς τρέψειν, ἀλλὰ περιττήσαντες καὶ ἀφελόντες τὸ κέλυφος μετὰ ταῦτα κόπτουσιν ἐν τῷ ὄλμῳ, καὶ διαπτήσαντες λεπτὰ ἐπιπιάττοντες ἐφ' ὕδαρ πίνουσιν, ὥστε ταχέαν καὶ ἐλαφρὰν γίνεσθαι τὴν ἀπαλλαγὴν.

§. XVIII.

His ita ueluti praemissis non est difficile coniectu, cur cicutam maxime in puniendis maiestatis damnatis adhibuerint Athenienses. Nam eiusmodi supplicio principes in primis, id quod ex allatis constat exemplis, uirique amplissimi afficiebantur, quos licet e medio sublato etiam atque etiam uellent, nolebant tamen multis cruciatibus ac doloribus coniuncta animaduersione in iis perimendis uti. Itaque quasi ratione auctoritatis eorum dignitatisque, quam obti-

obtinuerant uiui, habita supplicium ipsis capitale quidem, at facile tamen et a turpitudine atque acorbitate poenarum, quibus alia in re publica scelera coercebantur, remotum infligere cupiebant. Quum uero usu ueluti edocti scirent, cicutam non solum uenenum non uehemens esse, sed et celerem mortem facilemque maturare, ea sibi in uiros honestissimos nobilissimosque animaduertendum duxerunt, ut ne grauiore mortis genere uita decederent, quam si ipsi mortem sibi consciuissent. Vnde satis accurate IOANNES RHODIVS *ad Scribonium Largum* p. 256. coniectatur, cicutam mitioris poenae loco habitam. Etenim honestam quasi et reliquis mitiorem fuisse hanc poenam publicam per cicutae haustum iniunctam, ex eo mihi non incommode uideor colligere posse, quod cicuta interemti publica non in eundem, in quem reliqui fontes publice interfecti, locum feralem a ministro publico abiiciebantur, sed amicis concedebantur pro arbitrio sepeliendi. uid. §. XXVI. Deinde ab illis, qui cicuta peribant, supplicium non in publico, et in conspectu multitudinis, sed in carcere tantummodo sumebatur. Sed quemadmodum hoc multis testimoniis, non est necesse, probetur, quum id omnia, quae supra affuerunt exempla demonstrent, sic operae pretium nobis facturi uideamur, si de ipso carcere quaedam obseruauerimus.

§. XIX.

Tria fuerunt genera carcerum apud Athenienses, unum iis destinatum, qui, ne fugerent, custodiebantur, alterum illis dicatum, quorum mores corrigendi erant, tertium uero illis assignatum, qui ad mortem dabantur. Res est in aprico ex PLATONE *Lib. X de legib.* p. 673. *Ἐν δὲ δεσμοτηρίῳ δὲ ὄντων ἐν τῇ πόλει τριῶν, ἐνὸς μὲν κοινῆς τοῖς πλείστοις, περὶ ἀγορᾶν, σωφροσύνης ἕνεκα τοῖς πολλοῖς τῶν σωμάτων. ἐνὸς δὲ περὶ τὸν τῶν νύκτωρ συλλεγομένων ζυλόγον, σωφροσύνης ἐπονομαζόμενον, ἐνὸς δ' αὖ καὶ αὐτῇ μέσῃ τὴν χώραν, ὅπῃ περὶ αὐτὴν ἔρημός τε καὶ ὥς ὅτι μάλιστα ἀγχιόται. ἢ τὸ πρὸς τὴν λιμνὴν ἔχον ἐπ' αὐτῇ Φήμην ἰναι.* Atque in ultimo horum carcerum cicutam a damnatis haustam fuisse uero uidetur per quam simile, tum, quod

quod in reliquis duobus locus non fuit capitis supplicio afficiendis, cum uero, quod ipsum nomen huic carceri impositum id præ se ferre et indicare uidetur. Cura horum carcerum demandata erat uiris, qui uocabantur, undecim. SCHOLIA ad Demosthenis Androtianam p. 1441. Διορίσας ἀρχόντας ἐκάλεσεν τὴν ἀρχὴν τῶν δεσμοφυλάκων. αὐτὴ δὲ ἦν τὸν ἀριθμὸν καὶ ἀνδρῶν. His undecim uiris capitis damnati a iudicibus tradebantur ad supplicium. Quocirca ab HESYCHIO ἑνδεκα uocantur ἀρχόντες, οἷς παραδίδονται οἱ θανάτῳ καὶ ἀδικαδέντες. nam a iudicibus diuersos fuisse hos undecim uiros docet ARISTOTELES Politic. Lib. VI. c. 8. p. 531. B. Πολλὰ γὰρ δὲ διήρηται καὶ ἡ φυλάξις, ἀρχὴ, πρὸς τὴν περὶ τὴν ἐκτέλεσιν, οἷον Ἀθήνησι τῶν ἑνδεκα καλεσμένων. Horum etiā officium erat uidere, ut supplicium de damnatis eo, quo fas erat, modo fumeretur. SCHOLIA Aristophanis Vesp. uers. 1103. p. 317. Ἡ τῶν ἑνδεκα ἀρχὴ τὰς μὲν ὁμολογῶντας καὶ ἀνδραποδιστὰς καὶ λαποδύτας θανάτῳ ἐκόλαζον. Legebantur illi singuli e singulis tribubus, quarum quum decem, ut constat, Athenis essent temporibus posterioribus, undecimus ipsis addebatur scribae functurus munere. IULIUS POLLUX Lib. VIII. segm. 102. p. 920. Οἱ ἑνδεκα, εἰς αὐτὴν ἐκάστης βελῆς ἐγίνοντο. καὶ γραμματεὺς αὐτοῖς συνεθιμύετο. ἐπεμελῆντο δὲ τῶν ἐν τῷ δεσμοτηρίῳ καὶ ἀπὸ τῶν κλέπτων, ἀνδραποδιστὰς, λαποδύτας κ. τ. λ. Notatus est Pollux a CAROLO SIGONIO de republ. Atheniens. Lib. III. cap. 3. Tom. V. Gron. p. 1609. quod scripserit, ab undecim uiris abductos esse homines male feriatos ac scelestos, quum isti ad undecim uiros potius abducti uideantur. At non erat, quod Iulio dicam scriberet Sigonius Vir doctissimus, adeo, ut ipse potius humani hic aliquant passus esset, nobis uideatur, quando non ab undecim uiris abductos reos iudicat in carcerem. Primum enim Pollux licitorum et carnicis munia ipsis adscribit undecim uiris, quia, quod quis per alium facit, ipse fecisse dicitur. Deinde undecim uiris arcessi solitis damnati a iudicibus tradebantur in senatu, ut eos et in custodiam per lictores ducerent, et, quod ipsis decretum erat, supplicio mactarent. Extra controuersiam,

ut

ut mea fert opinio, rem ponit XENOPHON *Histor. Graec. Lib. II. p. 470. A.* Εξ δὲ τούτων ἐκείνων μὲν ὁ τῶν τριάκοντα κήρυξ τὸς ἑνδεκά ἐπὶ τῷ Θηραμένῃ. ἐπαινῶν δὲ εἰσελθόντες σὺν τοῖς ὑπηρέταις, ἡγούμενος αὐτῶν Σατύρος τῷ θρασυλότῳ αὐτῶν καὶ ἀναιδεστάτῳ, εἶπε μὲν ὁ Κρίλλας, παραδίδομεν ὑμῖν, ἔφη, Θηραμένην τῶν καὶ κατακτενομένων καὶ τὸν νόμον. ὑμεῖς δὲ λαβόντες καὶ ἀπαγαγόντες οἱ ἑνδεκά, ἔδει, τὰ ἐκ νέων πράσσειε. Et ut ex hoc loco simul cognoscimus Theramenem cicutam necatum his quoque undecim uiris traditum esse, sic, quin cum reliquis eodem genere mortis affectis idem sit factum, nullum est dubium. De Socrate id praeter alios testatur LUCIANVS *Ioue confusor. p. 125.* Σακρότης μὲν παραδόθη τῷς ἑνδεκά, Μελλήσθης δὲ ἑ παραδόθη. Phocionem traditum esse undecim uiris, quibus ad supplicium more Atheniensium publice damnati tradi solent, perspicue narrat CORNELIVS *in eius uita cap. 4. n. 2.*

§. XX.

Horum igitur undecim uirorum iussu cicutam porrigebat damnatis carnifex, qui inde etiam uocatur undecim uirorum minister, Graecisque uel ὑπηρέτης uel δήμιος appellatur. Illud, ne multa hoc in genere producam testimonia, nos docet PLATO *Phaedon. p. 401. E.* Καὶ ἦκεν ὁ τῶν ἑνδεκά ὑπηρέτης. Δήμιον autem hunc hominem dictum fuisse cum complures auctorum loci confirmant, tum in primis IULIVS POLLUX et HELLADIVS. hic quidem *in Chrestomath. p. 18.* scribit δήμιον μὲν καλεῖσθαι τὸν τῶν ἐπὶ θανάτῳ καταδικαζέντων Φονέα. ille uero *Lib. VIII. segm. 71. p. 897.* ubi uid. Interpretes, et addatur IAC. PERIZONIUS *ad Aelianum p. 806.* Appellatur etiam ab auctoribus nonnullis δημόσιος. quod an quisquam iam annotauerit, me fateor nescire. PLUTARCHVS *Phocion. p. 758. D.* Πεπτακότων ἤδη πάντων, τὸ Φάερμακον ἀπέλπιε, καὶ ὁ δημόσιος ἐκ ἔφῃ τρέψεν ἕτερον κ. τ. λ. uid. etiam IOANNES TZETZES *Historiar. Chiliad. VIII. histor. 181. uers. 5.*

§. XXI.

Cum uero extra controuersiam sit, a carnifice cicutam iis, qui morti addicti erant, allatam ac porrectam esse, tum
dubium

dubium, certe controuersum est, utrum haec cicuta publice dari solita Athenis fuerit a magistratu asseruata, an uero ab ipso carnifice suis sumtibus emta. Sunt profecto Viri doctissimi, qui cicutam Athenis publice seruata fuisse statuerunt. quo in numero sunt GVIDO PATINVS et IOANNES HARDVINVS. Sic enim ille in epistola ad FORT. LICETVM, quae huius *antiquis schematibus gemmar. annular.* inserta est p. 412. de hac ipsa cicuta, *Facilius, inquit, adducor, ut credam, fuisse quodpiam praesentissimum, uel saltem hauri segne uenenum ex magistratuum edicto curiose seruari solitum, quo uorato meritis poenas luere iuebantur morti addicti nefarii et facinorosi homines.* Vt sententiae suae fidem faceret, prouocauit ad Valerium Maximum, qui, ut supra demonstratum est, memorat uenenum cicuta temperatum in ciuitate Massiliensi publice custodiri. Sed frustra a Viro experientissimo Valerium in partes uocatum esse inde apparet, quod Massilienses, qui Graecorum colonia fuerunt, ideo necesse habuerunt cicutam ex Graecia allatam publice asseruare, quia cicuta Gallicana uires non habere mortiferas uidetur. uid. LICETVS d. l. p. 419 seq. et § XII. Harduinus uero eandem opinionem defendit in doctissimis suis annotationibus ad *Plinii Histor. Natur. p. 383.* ubi ad uerba Plinii, *Cicuta quoque uenenum est publica Atheniensium poena inuisa*, ita commentatur, *Publica dicitur, quod cicuta publice Athenis custodiretur.* At id ego nollem a Viro celeberrimo factum esse, quoniam in allatis Plinii uerbis adiectiuum *publica* non ad *cicutam* pertinet, sed ad *poenam*. Appellauit quidem sententiae testem IOANNEM TZETZEN, qui *κάνειον δημόσιον* appellet. Sed in eandem, quam in Plinio interpretando prodidit, inertiam dicam an negligentiam incurrit, et non tam ipsius Tzetzae uerba, quam eius interpretem Latinum, inspexisse uidetur. Quo res euadat clarior, ipsum locum TZETZAE proferre, non erit alienum, qui est *Chiliad. VIII. histor. 181. uers. 1. seqq.*

Σαρκώτης ὁ φιλόσοφος, κώνειον μέλαν πίνειν,
ὡς Ἀθηναίους ἀθεῖον δόξας καὶ καθεσχεύεις δε,
καὶ παρακελεύομαι, καὶ κώνειον ἀνέσθαι,
ὡς συμφορῶν ὑπερβολῆς, ἵνα πικρὸν ἐκπνεύσῃ,

Κάνειον τὸν δημόσιον λυγρότων μὴ κεκλήσθαι. Quis Graece leuiter doctus non uidet, et interpretem Latinum, qui ultimum uersum reddidit, *cicutam publicam dicentibus non haberi*, et Harduinum quam longissime aberrasse, quum nihil aliud declaret, nisi cicutam a carnifice non comparatam esse et haberi. Hanc enim sententiam non dictio solum, *κάνειον κεκλήσθαι*, sed et maxime nomen *τὸν δημόσιον* requirit, quod quo minus adiectiui ad τὸ *κάνειον* pertinentis uicem sustineat, praeter ipsam notionem, qua est carnifex, uel genus masculinum intercedit, quo genere an *κάνειον* inueniatur, dubito. Obiter et ipsius Tzetzae errorem liceat notare, qui, quod de Phocione assidui scriptores memorant, ad Socratem accommodauit, quando ab eo postulatum esse canit, ut cicutam a se bibendam sua pecunia emeret. Quod reliquum est, potuisse uenenum cicuta temperatum per longum temporis spatium conseruari praeter Massiliensium et Ceorum exempla probat THEOPHRASTVS *Histor. Plant. Lib. IX. c. 17.* qui de medicamento a Thrasya Mantinenfi ad celerem obitum facilemque promouendum inuento et ex cicuta cum primis composito, scribit, *Αβοήθητον δὲ πᾶν ἡ καὶ δυνάμενον διαμέρεσθαι ὅποσον ἐν χρόνῳ καὶ ἔδῃ ἀλλοιούμενον.*

§. XXII.

Itaque quanto magis sententia illa, qua cicuta publice Athenis custodita asseritur, a ueritate ac ritu ueterum discedere uidetur, tanto uehementius altera illa, quae a carnifice emtam esse cicutam contendit, se mihi probauit. In qua quidem re hoc minus superesse molestiae et difficultatis cernimus, quod eam iam satis, si quid iudicare possumus, praeter STEPHANVM *de iurisdictione Vet. Graec. c. 12. Tom. VI. Gron. p. 273.* expediuit PETRVS PETITVS *Observat. Miscellan. Lib. I. c. 17. p. 46 sq.* cuius nos hic uestigia legisse, non est, quod dissimulemus. Is ergo ad emtionem, a carnifice quae facta est, cicutae uindicandam primo loco produxit PLATONEM, apud quem *Phaedon. p. 378. A.* Critias ait, *Τί δέ, ὦ Σώκρατες, ἢ πάλαι μοι λέγεις ὁ μέλλων σοι δάσσει τὸ Φάρμακον, ὅτι χρεῖσαι φράζειν, ἐκ ἐλαχίστου διαλέγεσθαι. Φησὶ γὰρ Σερμαίνεσθαι μάλλον διαλεγόμενος. δὲν δὲ ἔδῃ ταῦτον προσφέρειν τῷ Φαρμάκῳ. εἰ δὲ μὴ, ἐνίοτε ἀναγκάζεσθαι καὶ δις καὶ τρίς πίνειν τὴν τι τοῦτον ποιεῖντας.* Haec admonitio uix uidetur a carnifice mi-

miseriordia in Socratem ducto profecta esse, ne ipsi scilicet mors esset laboriosior. nam quamuis ab ipso Socrate ibidem appelletur uir bonus, minimeque, ut id genus hominum esse consuevit, inhumanus, tamen, si cicuta publicis sumtibus comparata fuisset, ipsius parum aut omnino nihil interfuisset, utrum semel, an bis terue cicutam tereret porrigeretque bibendam. Quamobrem hoc monitu nihil minister iste publicus sibi uolebat aliud, nisi ne cogeretur iterata potione cicutae a se emendae plus pecuniae infumere. Atqui in more fuisse Athenis, ut carnifex cicutam suis impensis compararet, locus PLUTARCHI, a Petito pariter iam annotatus perspicue euincit, qui in *uita Phocionis* p. 758. D. legitur. Πεπλωκότων ἤδη πάντων, τὸ Φάρμακον ἀπέλυπε. καὶ ὁ δημόσιος ἐκ ἔφη τρίψεν ἕτερον, εἰ μὴ λαίβοι δώδεκα δραχμαῖς, ὅς τις τὴν ὁλκήν ἀνέσται. χρόνος δὲ γενομένης καὶ διαλειβῆς, ὁ Φωκίων καλέσας τινὰ τῶν φίλων καὶ εἰπὼν, ἐπεὶ μὴδὲ ἀποθανεῖν Ἀθήνησι δωρεῶν ἔστιν, ἐκέλευσε τῷ ἀνθρώπῳ δῶναι τὸ κερματίον. Quo quidem loco quid clarius ad hanc sententiam confirmandam afferri possit, equidem non uideo, praesertim quum POLLVCIS auctoritas accedat, qui *κάνειον* disertis uerbis carnifici, damnatos capitis interficienti, assignat, et inter instrumenta, quibus publicus minister utitur, recenset. *Lib. VIII. segm. 71. p. 897.*

§. XXIII.

Praeterea ex eo, quem modo adduximus, loco Plutarchi duo momenta nobis suppeditantur copiosius perlustranda, quorum alterum de caritate cicutae apud Athenienses nos reddit certiores. alterum uero nos instruit, quantum cicutae ad interficiendum hominem requiratur. Quod ad prius attinet argumentum, libram cicutae duodecim drachmis ueniisse Athenis, ex carnificis postulatione cernere datur, qua tantum a Phocione pecuniae non flagitauit solum, sed et ab amico ipsius nomine accepit. Iam uero si una drachma, quae uulgaris est computandi ratio, quatuor sestertios Romanorum confecit, et unus sestertius paria fecit cum octo numulis nostrae monetae, libra cicutae constitit Athenis nostra pecunias numerandi consuetudine duobus florenis, seu imperiali cum tertia in-

super parte, adeoque carnifici in unumquemque hominem cicutae haustu necandum duo floreni impendendi fuerunt. Libram autem cicutae, quod alterum momentum respicit, suffecisse homini trucidando, tam ex eodem Plutarchi loco elucet, quam ex THEOPHRASTO, qui *Histor. Plant. Lib. IX. c. 17.* de Thrasyae Mantinenfis medicamento paullo ante commemorato, ὥστε εὐογκον εἶναι πᾶν καὶ μακρόν, ὅσον εἰς δραχμῆς ὀλίγην. ἐλάμβανεν δὲ τὸ κάκειον, ἔχ' ὅθεν ἐτύγγχεον, αἰδ' ἐκ Σατῶν, καὶ ἐντεῖα ἄλλος τόπος ψυχρὸς καὶ πάλισκος. Nescio, an ex hoc loco cum Plutarcho collato elici possit, ideo tanti constituisse carnifici cicutam, quod non in Attica, sed uel Sufis uel in alia regione extera natam emeret. Id tamen ex his dilucide uidemus, cur minister publicus non permiserit Socrati aliquid ex poculo spargendo sacrificare, et cur tantum contriuerit solum, quantum satis fore putauerit. PLATON *Phaedon p. 402. B.* Τί λέγεις, ἔφη Σωκράτης, περὶ τὰδε πῦμα; πρὸς τὸ ἀποσπῆσαι τινὲς ἔξασιν ἢ ἔ; τοσούτον, ἔφη ἀνδρῶν, ὡς Σωκράτης, τρεῖς, ὅσον σίόμεθα μέτριον εἶναι πιεῖν.

§. XXIII.

Nec illa quaestio plane silentio praetermittenda est, utrum cicuta haec Atheniensium publica merus cicutae succus fuerit, an uero uenenum cicuta temperatum, praefertim quum hac de re Viri doctissimi inter se egerint, et amice animi sensa sibi aperuerint. Fuerunt illi GUIDO RATIVS, Medicus Parisiensis, ordinis medici Decanus, et FORTVNIVS LICETVS, Genuensis, quorum epistolae de hac quaestione mutuae habentur in laudati LICETI *quiquis schematicis gemmarum annularium p. 411. seqq.* Negat RATIVS, quod et ANTONIVM GVAINERIVM de *uenenis cap. 9.* fecisse reperio, merum cicutae succum fuisse, et e contrario contendit, uenenum fuisse cicuta temperatum. Sic enim d. l. p. 412. scribit, *Tantane est edita strages solo succo herbae illius, cicutae, quae id habet nominis? equidem id nunquam in animum inducam meum. neque enim usu comperitur tantarum esse uirium. ab eius haustu uel largiori parum nix quicquam relinquitur. olind praeter capitis grauitatem.* Hinc credit fuisse quodpiam praesentissimum aut saltem haut segne uenenum ex magistratus edicto curiose seruari solitum, nec

nec multum suspicatur diuersum fuisse ab eo ueneni genere, quod apud Ceos et Massilienses paratum atque asseruatum fuerit, et recentiorum Chymicorum antimonio respondisse. In auxilium quoque Plinii locum, ubi cicuta publica Atheniensium poena inuisa dicitur, uocauit, sed aeque inuitis Gratiis, ac Harduinus supra iam notatus. Proinde doctissimus LICE-
TVS *d. l. p. 419. seq.* recte hanc sententiam reiecit, uariisque argumentis probauit, ad addendam uim cicutae Graecanicae uere de se letali nihil additum. Et sane huic opinioni patrocinantur testimonia auctorum ueterum tantum non omnium, qui soli cicutae eiusque succo ex semine expresso uim mortiferam consensu mirabili adscribunt. Illis bene multis, qui hinc inde iam laudati sunt, locis auctorum unicum hic non ab re erit addere ex PLINIO H. N. XXV, 13, repetitum, *Semine trito cicutae expressus et densatus succus in pastillos necat sanguine spissando.* Deinde ne unus quidem, quod sciam, scriptorum, qui huius poenae publicae apud Athenienses mentionem iniiciunt, memoriae mandauit, cicutae in potione ista ferali quicquam additum fuisse. Denique quum haec sententia illo maxime argumento niti uideatur, quod cicuta seu uenenum illud cicuta temperatum Athenis publice custoditum fuerit, eiusdem notae censenda ipsa est, cuius esse fundamentum, quo superstructa est, paullo ante demonstratum dedimus. uid. §. XXI.

§. XXV.

Vehiculum, quo cicutae potio damnatis fuerit appo-
sita et a carnifice porrecta, quis ueterum aperte nobis indica-
uerit, me solide ignorare fateor. Hoc certum et indubita-
tum est, a ministro publico paullo ante potionem ipsam ci-
cutam tritam esse. Hinc Socrates apud PLATONEM *Phae-*
don. p. 401. H. Αλλάγε δὴ πειθώμεθα αὐτῷ καὶ ἐνεργάτω τις τὸ
Φάρμακον, εἰ τέτρηται. εἰ δὲ μὴ, τρεψάτω ὁ ἄ. Δωρπος, uid.
SCHOLIA *Aristophanis Ran. uers. 123. p. 125.* Hinc cicuta
trita uocatur apud OVIDIVM *Art. Amat. Lib. III. uers. 465.*
Nec obscurum est, in poculo tritam iam cicutam a licitore
ministratam esse, ex eodem PLATONE *d. l. p. 402. Α. Ηκεν*
ἀγων τὸν μέλλοντα δάσεν τὸ Φάρμακον ἐν κύλικι φέροντα τετρη-
μένον. At quanquam liquor, quo cicuta bibebatur in poculo

diluta, non est perspicuis uerbis significatus, tamen, si coniecturae non prorsus, opinor, improbabili locus est, uino mixta fuit cicuta publica, propterea quod in uino pota et celeritorem affert obitum, nec sanabilis esse putatur a PLINIO H. N. XXV, 13. *Remedio est, cicutae, priusquam perueniatur ad uitalia, uini natura excelsa factoria, sed in uino pota irremediabilis existimatur.* uid. PLVTARCHVS *Symposiac. Lib. III. quae est. V. p. 653. A. de discrimine adulat. et amict p. 61. B.* et MACROBIVS *Saturnal. VII, 6*, idem confirmantes. Bibere autem plerumque post occasum solis, coena largiter sumpta, consueisse moribundos, iterum nobis perspicere licet ex PLATONE *Phaedon. p. 401. H.* ubi Crito sic ait, ἄλλ' οἱμοὶ ἐγώ γε, ὦ Σωκράτης, ἔτι ἥλιον εἶναι ἐν τοῖς ὄρεσι, καὶ ἔτι δέδουκέναι. καὶ αἶμα ἐγὼ οἶδα καὶ ἄλλας πᾶν εἶπε πίνοντας, ἐπειδὴν παραγγεῖλθῃ αὐτοῖς δεπνησάντας τε καὶ πίνοντας εὖ μάλα. Quod uero quum ex mente Socratis, ut ibidem docetur, nulla alia de caussa factum sit, nisi ut tempus aliquod uiuendi lucrarentur, idem facere recusauit philosophorum inter Graecos facile princeps.

§. XXVI.

Supereft, ut, quod supra nos polliceri meminimus, paucis doceamus, quo cicuta publica necatorum cadauera ablata fuerint. Etenim habuisse Athenienses loca eiusmodi, quo a carnifice capite plexorum cadauera proiicerentur, neminem nisi antiquitatum Atticarum penitus ignarum nescire arbitror. Itaque ut alia iam ne commemorem, notum est ex PLVTARCHO *Themistocl. p. 123. A.* in fanum illud Dianae, quod extruxit Themistocles et Aristobulen appellauit, postea cadauera supplicio affectorum carnifices proiecisse, uestesque et laqueos extulisse eorum, qui strangulati et interfecti fuerunt. Et quis nescit, illatae iniuriae damnatos supplicio peracto in locum, quem barathrum uocarunt, abiectos esse? uid. XENOPHON *Hist. Graec. Lib. I. p. 450. D.* At haec ignominiae nota iis, qui cicutae publicae hauflu extincti sunt, non fuit post fata ultima inusta. Nam etsi de Theramene et Socrate id expresse ab antiquis traditum non annotaui, rem tamen ponit extra dubitationem omnem LYSIAS, qui *in oratione contra Erastosten. p. 150. seq.* clarissime docet, Polemarchum fratrem cicuta a tyrannis sublatum amicis et cognatis traditum fuisse, qui eum more patrio sepelirent. Nec obstat Phocionis humatio a seruis et id quidem extra Atticam peracta, auctore NEPOTE c. 4. *in eius uita.* propterea quod lex erat Athenis, quae uetabat prodicionis crinsine damnatos in Attica sepeliri. uid. XENOPHON. *Hist. Graec. Lib. I. p. 450.* et SAM. PETITVS *ad leges Atticas p. 562.* et hac de re dissentiunt inter se auctores ipsi, DIODORO SICVLO eum citra sepulturam extra fines Atticae proiectum, et PLVTARCHO a uespillone ultra Eleusinen portatum crematumque, referente. Nos exequiis cicuta publica interfectorum nostrae commentationi finem imponimus, solemnem ueterum


adiecta formula,

I L I C E T.

NOBILISSIMO DOCTISSIMOQVE
**ADRIANO DEODATO
STEGERO**

S. P. D.

P R A E S E S.



*Audi quondam non exiguae
erat clientibus, quando ipsis
dabatur facultas patronorum
filios suo quemque tirocinio
in forum deducendi. Ego ue-
ro, ut mihi singulari plane du-
cam honori, TE, NOBILISSIME STE-
GERE, in lucem Academiae primum prædeun-
tem comitari, multis nominibus adducor. Nam
cum ab ILLUSTRITVO PARENTE, non
dicam patroni, sed parentis loco aetatem mihi
deuenerando, tanta in me sunt beneficia sine
ullo merito meo collata, quanta ne optare qui-
dem, nisi animo impudentissimo, fas est, tum ho-
norem, qui hodie mihi contingit, hoc maius be-
neficium interpretor, quo minus cuiquam tam
clarum statim ingenium est, ut possit emergere,
nisi illi materia, occasio, fautor denique contin-
gat. Itaque utrum TIBI, DOCTISSIME
STEGERE, tirocinium quasi deponenti, an
mihi TE uelut in forum deducenti, maiorem in
modum gratuler, anceps omnino dubiusque hae-
reo. Etenim naturale illud bonum, quod in TE
per-*

perfecti, et inchoant ad summa. Quod na-
turaliter est, dubium non est. Quod
laude et bonis rebus plaudere publice sta-
turus. Quod si arduum iudicis TVI acti-
te fere maioris intueor, plane confido, talem
TE in arena publica futurum, qualem et ego et
omnes, qui TE norunt penitus fore sperarunt.
Quando ergo amantis est, non onerare laudi-
bus amantem, eo minus a me, mi STEGERE,
in praesentia laudis expectabis, quo certius TE
et incorruptius manet uirtuti TVAE debitum
aiutorum praeconium. Tu fac ingenium incre-
das, et, quam saepius priuatum mihi probasti,
eruditionem publico ita comprobes, ut expe-
ctationem de TE conceptam non sustinuisse solum,
sed et uicisse uideare. Quo fiet, ut, quae Socrate-
tem magnum fecisse dicitur cicuta, eadem et lau-
di TIBI futura sit et ornamento. Ego, quod
reliquum est, nunquam Deo immortalis non sup-
plex ero, ut PARENTI OPTIMO longam,
uegetam, similemque iuuentuti largiatur sene-
ctam, TIBIque praetextam quasi bodie sumtam
tam fortunatam esse iubeat, ut Patris Indul-
gentissimi ingreuescens aetas in probitate TVA
conquiescat, amplissimae gentis TVAE splen-
dor laudibus TVIS amplificetur, patriaeque
gloria TVI nominis celebritate olim illustretur.

Vale, et quae amas, amare ne desine. Scribebam

Liphae pridie Kalendas Sextiles A.O.R.

MDCCXXIII.

* * *